



儀禮疑義卷四十九有司徹第一冊

鄭氏註

賈公彥疏

吳廷華存疑

有司徹第十七

廷華案此鄭目錄原文蓋采篇首二字為目義無所取劉氏別錄以此為少牢下篇

是也今姑仍其舊而存是說以正之大宗伯五禮之次此當第二說見士冠

訂義鄭目錄云少牢之下篇刪上大夫既祭饋尸於

堂之禮若刪下大夫祭畢禮尸於室中無別行饋尸於堂

之事於五禮屬吉疏饋尸于堂者謂室中事尸行三

于室中者尸行三獻無別行饋尸于堂之事即于室內為加爵禮尸即下文云君不饋尸是也

疑義註天子諸侯之祭明日而繹大戴第九小戴第

十二別錄少牢下篇第十七

廷華案註舉繹禮為証下註又謂祭于枋曰繹是以
此經為繹又以繹為枋也據周禮牛人云凡祭祀共
其享牛求牛註謂求牛所以繹是繹有牲也據爾雅
云繹又祭也郭景純註云祭之明日尋繹又祭是祭
之明日又用特牛為尋繹之祭與此備尸不同但鳧
據鳧鷖詩傳謂繹而備尸是先繹祭而後備尸也又
據爾雅周曰繹啇曰彤夏曰復昨疏謂昨祭肉也祭
之旦日復陳其祭肉以備尸其於字復昨字義雖合
但只言備尸而不言祭則與爾雅又祭之說不符若
謂備尸即是祭則據少牢禮祝近尸于廟門之外主

昭文張金吾寫定續經解

人降立于阼階註謂主人不迎尸伸尊也此經則曰
主人出迎尸註謂賓客尸而迎之是祭以神道事尸
備以賓禮近尸何可謂備尸即是祭况據論語祭于
公不宿肉則豈有留之明日復祭而備尸之禮竊謂
此經不過祭後旅酬于堂之禮故即以祭肉共之若
明日則又以特牲祭祭後乃以特牲之昨賓尸若正
祭之肉不宜復陳也蓋祭雖有異備禮則同故亦曰
備尸其實二事不當強合為一又况繹為尋繹之禮
惟明日故曰繹耳若上經旅酬未行尸在門俎在室
即舉此禮以備尸是只可言留不可言繹也是士大

夫禮雖莫考然據繹禮之義斷之此必非繹至祊是
求神之禮與又祭不同楚茨詩剝享肆將之後即言
祝祭于祊則祊在饋食之後豈有饋食三獻禮畢復
求神之理

有司徹徹直
列反

訂義註徹室中之饋及祝佐食之俎刪夫既祭而備

尸禮崇之也疏室內之饋主于尸饌不備尸者餼訖
云有司徹饌于室中西北隅此饌內兼

數物唯無所俎所俎上篇佐食徹之先
設于堂下也祝亦有薦在室內北墉下

疑義註饋尸則不設饌西北隅以此薦俎之陳有祭
象而亦足以厭飲神天子諸侯明日祭祊而繹春秋

昭文張金吾寫定續經解

傳曰辛巳有事于太廟仲遂卒於垂壬午猶繹是也

爾雅曰繹又祭也初百
庚反佐食之俎在兩楹當作
階之間

無薦此直云有司不備尸云官徹者彼為更饌西北

隅為陽厭故見官也禮崇也者對不備尸禮不崇也

有祭象亦足以厭飲神者對下大夫改饌西北隅為

厭飲神此薦俎之陳有祭象亦足以厭飲神也天子

諸侯明日繹者天子諸侯尊別日為之與卿大夫禮

異但祊與繹二者俱疑脫
字時為之故郊特牲鄭註云

祊之禮在廟門外之西室繹又於其堂神位在西北

引春秋傳者此宣八年左氏傳辛巳有事于太廟壬

禮記卷之九十一 有司徹

午猶繹引之者證人君別日為繹引爾雅者釋天文
彼云周曰繹商曰彤夏曰復昨復昨者復昨日之昨
祭殷曰彤者義取彤彤祭不絕周曰繹者取尋繹前
祭之事但祊者禮器云為祊于外註祊祭明日之繹
祭也謂之祊者於廟門之外因名焉其祭之禮既設
祭於室而事尸于堂孝子求神非一處也此祊是明
日又祭故于廟門外若正祭祊則于廟門內故楚茨
詩云祊祭于祊祀事孔明毛詩傳云祊門內也鄭云
傳求之于廟門內之旁待賓客之處也郊特牲云索
祭祊于祊不知神之所在于彼乎于此乎或諸遠人

昭文張金吾寫定續經解

乎祭于祊尚曰求諸遠者與亦是祭之明日祊故云
求諸遠者但此大夫饋日尸同日正祭之牲天子諸
侯禮大別日又別牲故牛人云享牛未牛鄭云求終
也終事之牛謂所以繹者也是其別牲也

廷華案西北隅之設與特牲等蓋主人之餘敬此饋
尸禮承上篇養出之後言之至下尸出有司徹止並
無西北隅之設蓋上作階之俎亦即改設之義故不
復設于西北隅註說是已若謂此薦俎之陳有祭象
亦足以厭飫神故不設其說則未當也蓋此是旅酬
饋尸之禮與神何涉曰有祭象曰亦足以厭飫神非

牽合而何

掃堂

訂義註為備尸新之少儀曰汎掃曰掃掃席前曰拊
疏正祭于室之時堂亦掃訖今將備尸又掃之故云
為備尸新之引少儀者若直掃席前止可云拊今云
掃不云拊明于堂廟汎
掃也○拊方問反

司宮攝酒

註今文攝為聶

訂義註更洗盥整頓之疏案士冠禮再醮設酒註云攝猶整也整酒為饒之此更

添盥整頓則此洗當作梳此謂備尸唯徹室中之饋因前正祭之酒更梳擾添盥整新之也

乃斂尸俎

斂音尋劉徐鹽反註燭同註古文斂皆作尋記或作尋春秋傳曰若可燭也亦可寒也

訂義註斂温也温尸俎于爨所亦温焉疏知温尸俎于爨者見下

昭文張金吾寫定續經解

云斂卒斂乃并羊豕魚三鼎故知先温于爨之饌及後升之鼎也所亦温焉者案下文載俎所舉在所肩器脊骨皆在載于俎明亦温可知

疑義註獨言温尸俎則祝與佐食不與備尸之禮疏
正祭時尸祝及佐食皆有俎今獨言温尸俎欲見備
尸時祝與佐食不與而別立侑也

廷華案獨言尸俎尊也祝佐食俎亦温可知下所列
羊俎豕脊匕湑等俱出于三鼎則亦並温之也經言
尊以槃卑耳教氏曰祝佐食象賓為之事反于賓位
亦與備尸之事以無上位畧之是可証註疏之失矣
卒斂乃升羊豕魚三鼎無腊與膚乃設扃冪陳鼎于門外

如初註今文局為錢古文局為案

訂義註腊為庶羞膚從豕去其鬲者備尸之禮殺于

初如初者如廟門之外東方北面也疏膚從尸去其鬲者下

體特膚猶有豕鬲但正祭時五鬲今二者皆去其鬲故云濱尸之禮殺于初也

疑義註腊為庶羞疏此解不發腊之義以升鬲言無腊下載又不見腊明知從庶腊可知

知

廷華案庶羞未聞用腊教氏曰腊全不用者此禮殺

于祭以其賤畧之則註說之悞可知

乃議侑于賓以異姓侑音又註古文侑音者

訂義註議猶擇也擇賓之賢者可以侑尸必用異姓

昭文張金吾寫定續經解

廣敬也是時主人及賓有司已復內位疏此選侑并

迎尸及侑之事下文侑出侑出俟于廟門之外又云

主人出迎尸侑也言侑即賓之賢者上篇云四餞者

二佐食二賓長餞訖皆出未見入主人送餞言退皆

有出事今議侑在內故云是時賓主人已復內位也

宗人戒侑

訂義註戒猶告也南面告於其位戒曰請子為侑疏

在門東北面請以為侑明面鄉其位可知賓位在門東北面者下文將獻賓時云主人降南面拜象賓門

東三拜象賓門東北面皆答一拜是也

疑義案燕禮公曰命某為賓射人傳公命當云請子

為賓此處命侑當先云主人曰請子為侑宗人傳主人辭戒曰請子為侑鄭以互文約之故云然也

廷華案註云戒曰請子為侑蓋想然耳疏請謂燕禮

射人傳公命當曰請子為賓造作無謂猶自以為互

文不知既已無文安得有互

侑出俟于廟門之外

訂義註俟待也待于外當與更入主人興禮事尸極

敬心也疏謂立侑以輔尸使出便迎之是極其敬心也

司宮筵于尸西南面

訂義註為尸席也

昭文張金吾寫定續經解

又筵于西序東面

訂義註為侑席也

尸與侑北面于廟門之外西上

訂義言與殊尊卑

疑義註北面者賓尸而尸益卑西上統于賓客疏備禮以尸為賓各當在門西東面北

上今執臣道門外北面故云益卑

廷華案北面者款氏所謂不敢以賓自居也註曰益

卑疏曰臣道俱未合也尸亦不應統于賓且亦不知

指何賓言以門外無賓位耳

主人出迎尸宗人擯

禮記卷之九有司徹

訂義註賓客尸而迎之疏上篇止祭時主人不迎尸
之以尸
目賓客

疑義註迎之主人盥尊

廷華按迎尸賓主之禮宜然上曰尸盥畢此曰主人
盥尊直混語

主人拜尸答拜主人又拜侑侑答拜主人揖先入門右

訂義註道尸敖氏曰主人西面拜尸東面答拜

尸入門左侑從亦左揖乃讓

訂義註沒雷相揖至階又讓疏沒雷相揖至階又讓者案上篇鄉飲酒之等

入門揖至階又讓故知也敖氏曰亦三揖讓

昭文張金吾寫定續經解

主人先升自阼階尸侑升自西階西楹西北面東上

訂義註東上統于其席疏尸在門外北面西上統于賓客至此升堂亦應西上故

決之云東上統于其席以其賓席以東為上故也

廷華按尸在西西尊也東上近主人便于為禮也上

曰統于賓此又曰統于席所謂席者安在而必以為

統乎

主人東楹東北面拜至尸答拜主人又拜侑侑答拜

訂義註拜至喜之

乃舉

訂義註舉舉也舉者不盥殺也疏正祭時皆盥訖乃舉此備尸禮

殺舉者
不盥

司馬舉羊鼎司士舉豕鼎舉魚鼎以入陳鼎如初

訂義註如初如昨階下西面北上疏如上經正祭時

陳祭之事也教氏曰魚鼎重言舉與豕鼎異人也廷

華按三鼎亦應北上同正祭

雍正執一七以從雍府執二七以從司士合執二七俎以

從司士贊者亦合執二俎以從七皆加于鼎東柄二俎設

于羊鼎西西縮二俎皆設于二鼎西亦西縮註古文縮皆為感

訂義註雍正羣吏掌辨體名肉物者府其肉凡三七

鼎一七四俎為尸侑主人主婦其二俎設于豕鼎魚

昭文張金吾寫定續經解

鼎之西陳之宜具也疏周禮內饗職云掌割烹煎和之事辨體名肉物註云體名脊

脅肩臂膈之屬肉物肅燔之屬此士之雍正所掌亦依之也據尸侑主人主婦者下文四者皆有俎知之

也此四俎當俱陳于鼎之西分二俎陳豕鼎魚鼎之西者欲使三鼎之西並有俎故云陳之宜具也教氏

曰一七羊匕也二七羊豕匕也四俎亦北上載之先北而後南羊鼎西特有二俎尊之

雍人合執二俎陳于羊鼎西並皆西縮覆二疏七于其上

皆縮俎西柄註古文並皆作併

訂義註並并也俎以羞羊羊酒去反及羊肉酒司士以

羞豕豕酒豕肉酒豕脊即豕酒魚疏匕匕柄有刻飾

者疏匕酒無肉直汁以其在匕酒也即下文司馬在羊鼎之東二手執桃桃柄以挹酒注于疏匕是也

云肉酒者下文云羊肉酒膈折正脊一正膈一腸一胃一是也案下文次賓羞羊匕酒司馬羞羊肉酒此註

云司馬不云次賓案上經正祭時云司馬封羊此不言其寔羞羊也潛是次賓也下文亦次賓羞羊也潛司士羞豕豕豕此云豕士者亦據上經正文司士繫豕而言寔次賓羞豕也潛也柄有刻飾者以其言疏是疏通刻飾之名若禮記云疏屏之類故疏此陳二俎為知柄有刻飾亦通柄刻雲氣以飾也疏此陳二俎為並送之俎廷華案羊昂西已有二正俎此又在正俎之西也

疑義註南俎司馬以羞羊也潛去及羊肉潛疏肉潛者直是

肉從潛中其北俎司士以羞豕也潛豕肉潛豕豕潛

魚疏此二俎南俎是司馬所用則北俎是司士羞豕也潛之等也

廷華案正祭北此昂及俎宜亦如之羊也潛當在北豕也潛俎當在南註以南俎為羊也潛北俎為豕

昭文張金吾寫定續經解

七潛悞又二俎迭用空者即陳之若謂載羊者不載羊豕載豕者不載羊則如下獻尸時次賓方以羊也俎退司馬也執羊肉潛進則羊肉潛不定載于羊也俎可知鄭分羊豕于二俎亦未確又經明言肉潛則是肉而無潛若云本無汁因從潛中來遂以名之則當云潛肉不當云肉潛且肉皆從潛中來何獨此俎謂之潛

主人降受宰凡尸侑降主人辭尸對

訂義註凡所以坐安體周禮太宰掌贊玉凡玉爵疏引太宰者正宰授主人凡之義教氏曰降從尸

儀禮卷之九 有司徹

宰授几主人受二寸手橫執几揖尸

訂義註獨揖尸几禮主於尸教氏曰几自東壁來其

授受在阼階之東歟

主人升尸俯升復位

訂義註復阼階賓階上位

疏鄭言此者主人位常在阼階上其賓位在尸西及

在西階上今恐尸復位在尸西以其未得在尸西故言賓階上位也

主人西面左手執几縮之以右袂推拂几三二手橫執几

進授尸于筵前

訂義註衣袖謂之袂推拂去塵示新教氏曰此外拂

之推二手也

昭文張金吾寫定續經解

尸進二手受于手間

訂義註受從手間謙也教氏曰聘禮賓進訝受几于

筵前

主人退尸還几縮之右手執外廡北面奠于筵上左之南

縮不坐

訂義註左之者異于鬼神生人陽長反鬼神陰右

不坐奠之者几輕疏異于鬼神者設神几皆在右人皆左几是以生人陽故尚左鬼神

鬼神陰故尚右也几輕者此決下文啐酒疏尸手受

于生人手間亦橫受之將欲綴設于席故還之使設

縮以右手執几外廡故向北面縮設于席也

主人東楹東面北拜

訂義註拜送几也

尸復位尸與侑皆北面答拜

訂義註侑拜者從于尸

疏以主人授几止于尸故主人拜送尸獨答拜今侑亦拜

主人降尸洗侑降尸辭洗主人對卒沈揖主人升尸侑升

尸西楹西北面拜洗主人東楹東北面奠爵答拜降盥尸

侑降主人辭尸對卒盥主人揖升尸侑升主人坐取爵酌

獻尸尸北面拜爵主人東楹東北面拜送爵

訂義註降盥者為土汚手不可酌疏此主人主婦獻

昭文張金吾寫定續經解

尸之事業鄉飲酒主人降洗賓降主人辭降賓對此

中亦應主人降洗賓降主人辭降

主婦自東房薦韭菹醢坐奠于筵前菹在西方婦薦者執

菹菹醢以授主婦主婦不興受陪設于南昌在東方興取

籩于房體養坐設于豆西當外列體在東方婦贊曰執白

黑以授主婦主婦不興受設於初籩之南白在西方興退

體芳中反 養扶云反

訂義註菹本也韭菹醢菹本醢體熬麥也養熬臬

實也白熬稻黑熬稊此皆朝事之豆籩無朝事而用

之備尸亦豐刑大禮當外列辟劍也退退入房也疏

昌本已下等物至此皆朝事之遺體黃白黑形鹽醢
鮑魚鱠朝事之豆韭菹醢醢昌本糜藿菁菹麩芡
菹糜藿鄭註此皆據彼而言又案彼註昌本菹蒲根
有骨為藿無骨為醢云黃藜稟寔也者案喪服傳云
苴者麻之有黃者也牡麻稟寔若然黃麻有寔稟麻
無寔鄭云黃稟寔舉其類耳其寔稟是雄麻無寔白
之等正無文鄭以形色言之韭菹醢者則無骨之醢
昌菹醢者即周禮糜藿醢散文亦名醢又案周禮鄭
註云菹醢之稱菜肉道全物若膳為菹細切為醢彼
昌本不言菹是細切為醢此云昌菹昌本為菹也
疑義註豐大夫禮主婦取籩與者以饌異親之疏案
此上經主人先獻乃後薦者正祭則先薦後獻則釋
祭則先獻後薦故祭義曰君獻尸夫人薦豆鄭註云
謂釋日也則此備尸禮與天子諸侯釋祭同故亦先
獻後薦也疏豐大夫之禮者案禮記坐尸於堂北面

昭文張金吾寫定續經解

而事之註云天子諸侯之祭朝事延尸于戶外是以
有北面事之禮特牲少牢正祭無朝事于堂直有室
中之事若然大夫雖用天子諸侯朝事之籩豆以其
禮殺故八簋八豆之中各取其四大夫以昌本為菹
異於天子諸侯所用也以饌異親之者鄭意以籩豆
俱時設不使婦贊者取籩以授主婦者以籩與豆不
同所寔又別故主婦宜親就房親取之也
廷華按此經與釋祭不同目錄不同詳之此疏又引
祭義註以先獻後薦為釋祭禮釋祭雖無可攷若據
祭義論不過言盡忠敬以致其鄉神之義無釋日之

文鄭特曰先獻後薦與此經合故並謂之釋蓋附會
說生尸于堂亦不必是朝事也又此四豆遵其二皆
自執之其二皆受之贊者自東房薦非薦醢自執醢
自執之也此取遵于房亦自執之蓋即親執豆之義
饌異之說尚未盡合也

乃升

訂義註升牲體于俎也疏此載俎之事

司馬牝羊亦司馬載載右體有臂肫骼臠正脊一胫脊一
橫脊一短脊一正脊一代脊一腸一胃一祭肺一載于一

俎
純肫音

昭文張金吾寫定續經解

訂義註言缺尸俎復序體者明所舉肩骼存焉亦著
脊脅皆一骨也臠在下者折分之以為肉湑俎也一

俎謂司士所設羊鼎西第一俎疏所舉肩骼存焉者
上篇少牢載牲體十

一脊脅皆加並骨二尸食特舉脊肩骼在于所俎上
文直言缺尸俎嫌尸俎在所者不在故復序其體所

舉肩骼則存焉所舉未知孰此正俎為在下羊肉湑
以本脊脅上皆骨以並今皆一骨故鄭云明所舉有

骼存焉以肩骼一骨前尸所舉今後序之明在可知
脊脅雖舉以其二以並今脊脅載一骨在正俎一骨

在湑俎故鄭云亦著脊脅皆一骨也以其前所舉者
未知在何俎故直註云著脊脅皆一骨不云存耳

疑義疏鄭知尸俎在南見羊肉湑俎在豕俎之南羊

尊豕卑明豕俎在侑俎之南或解云言第一者最在

北故侑俎下註云司士所設羊鼎西之北俎也明北

俎在俎之南以下所註俎之次第皆據司士所陳為次義可知也

廷華按上經正祭羊俎肩臂臠膊髀正脊一股脊一橫脊一短脅一正脅一代脅一皆二骨以並上佐食脅加于所俎者則有正脊肩髀脅脅則註以為正脅此註謂正祭羊俎及所俎至此分為羊俎羊肉潛二俎故謂所俎肩之在此俎其肩脅則各分一骨于潛俎其說是矣但上經三脊三脅俱有二骨則十二骨也此俎六骨下潛俎惟正脊正脅各一骨視上經羊俎尚有胾脊樸脊短脅代脅四骨未載意下阼俎羊肉

昭文張金吾寫定續經解

潛俎有臂一脊一脅一或即以四骨之半為主入俎未可知也然注則以為體豈所餘四骨不用如魚十五只用其七乎又案正祭陳鼎上此陳三鼎言如初則以土為上南為下羊鼎在此次豕次魚司士四俎二在羊鼎西此註謂羊鼎西第一俎下侑俎註又以羊鼎西之土俎是以前俎為第一俎也據疏謂鄭見羊肉潛豕俎之南羊尊豕卑明豕尸俎在侑俎之南蓋因下經羊肉潛載于南俎則豕肉在潛在土俎可知故并以南上之說例之尸俎耳按土俎之為豕俎可知本無所據疏惑于上注南俎盛羊土俎豕

盛說故謂北俎為豕俎耳愚按下獻尸羊七涪與羊
肉涪一時遞進知北俎未嘗不盛羊教氏曰肉涪載
之南俎則北俎羞羊七涪可知蓋亦因獻尸二俎遞
用而斷之其說是也據下獻尸先七俎則七貴于俎
肉其重猶大羹耳而設之在北俎則猶是北上也註
疏特未之思耳

羊肉涪膾折正脊一正脅一腸一胃一膾肺一載于南俎

膾才計反註今文涪為汁。案涪
本作涪據博雅涪當作膾徒肉

訂義註肉涪肉在汁中者以增俎實為尸加也必為
膾折上所折分者膾肺離也南俎雍人所設在南者

昭文張金吾寫定續經解

此以下十一俎俟時而載於此歷說之爾疏正祭之
俎直升牲體無涪今饋尸增俎實為尸加故有涪也
此經云膾折即上經云膾也左右體之膾而必取下
右之膾折分用之貴神俎故也若然脊脅二骨亦分
一骨為肉涪者亦是貴神俎故也以下十有一俎于
此歷統之者下文卒升賓長設羊俎于豆南唯設此
一俎餘十一俎皆未又主人主婦升席時乃設之是
其是俟時而載今于此以下雖未載因前俎遂歷陳
說之十一俎者即尸之羊肉涪一也豕脊俎二也侑
之羊俎三也豕俎四也主人羊俎五也羊肉涪俎六

也豕膋七也主婦羊俎八也豕侑主人三者皆有魚
俎是其十一俎尸羊正俎為十二俎其四俎尸侑主
人主婦載羊體俎皆為正俎其餘八俎雍人所執二
俎並送牲還故有八其寔止二俎也廷華案並送牲
來之俎合上下
文計之凡十一此八俎外尸主人又各有羊七俎豕
也曰八俎者據上所見者言
之廷華按俎不可以盛酒據聶氏禮圖說云宋初俎
有舟據司尊彝皆舟註謂若今時承槃而俎之舟
制未聞曩在京師一朝士家見牲俎上有槃刻木為
之深可五寸問其名曰舟因知聶說為不虛且悟此
酒在俎實有舟盛之惜經傳不載聶之圖亦略而不

昭文張金吾寫定續經解

言耳

疑義疏凡牲體皆出汁不言酒又下豕膋亦出於汁
皆不言酒此特得酒名者特牲少牢正祭升牲體于
鬯時皆無七酒故直云升牲體于俎設于尸前鬯肉
亦無七酒升文今此升牲體於尸前七酒亦升焉故
得酒名以在俎寔無汁故先進羊七酒焉然後進羊
肉酒見此酒為肉而有故在羊肉酒前進之使尸嘗
之故鄭下註云躋酒者明酒肉加耳嘗之以其汁尚
味是也若然豕亦有七酒不知肉酒而名豕膋者互
見為文言膋者見在俎無汁言肉酒者見在鬯肉時

有汁也魚不言魚渫而言渫魚者羊先肉後言渫使
肉前進也渫明是渫從肉來可知魚前無進也渫故
先言以渫以明魚在渫可知魚無也渫者鄭下註云
不羞魚也渫略小味也羊有正俎羞也渫肉渫豕無
正俎無也渫隆汙之殺也
廷華按賓尸有也渫肉渫雖極滋味之盛亦以此無
膚及太羹故以肉渫也渫象之耳疏推廣言之曰牲
體皆出汁曰在俎實無汁曰渫為肉而有曰肉渫在
鼎時有汁皆是隨意牽扭如此解經竟成兜戲至欲
名豕膏為肉渫則并不知膏與渫為何物矣且據特

昭文張金吾寫定續經解

牲註以膏為俎則豕膏即豕俎故教氏亦以豕俎言
之賈謂豕無正俎蓋誤以豕膏為豕肉渫也

司士祀豕亦司士載載右體肩臂肫骼臠正脊一挺脊壹
橫脊一短脅一正脅一代脅一膚五臍肺一載于一俎

訂義註臠在下者順羊也疏豕膏以其不折臠臠亦在下順上文羊臠在下由

折分此雖不順折羊故亦在下順也

疑義註俎謂雍人所設者在北疏豕肉渫不折者由
豕無正俎皆是肉渫故不順所折也說並詳上

侑俎羊左肩左肫正脊一脅一腸一胃一切肺一載于一
俎侑俎教云二豕左肩折正脊一脅一膚三切肺一載于一

訂義訂侑俎用左體侑賤豕左肩折折分為長兄弟
俎也切肺亦祭肺互言之爾無羊潛下尸也豕又祭
肺不齊肺不備禮俎司士所設疏按少牢載尸體俎皆右體脊脅皆右骨
舉肺一切肺三尸主人主婦盡用腸三胃三尸正俎
用一潛俎用一惟有一在此是以自侑以下及主人
主婦皆用左體脊脅若然歟尸俎時皆設于易西若
易止不云者文不具是以前陳俎時皆設于易西若
不同升易則侑主人主婦如特牲執事之俎與主人主
階間不應在易側也若然特牲執事之俎與主人主
婦之俎亦不升易彼為自異於神少牢祝與佐食俎
亦不升易亦自異于神此自侑已下悉與尸同易者
以備尸並卑唯尸尊禮詳侑已下禮略故也分為長
兄弟俎者以下文設薦俎而註云眾兄弟俎者儀禮
文薦胥皆不云折唯兄弟云先生之胥折鄭云先生
長兄弟折豕左肩之折是以知義然也云無羊潛下
尸直云無羊潛不云肉者以匕潛肉皆無故直云
無羊潛以色二者皆無此二者潛尸皆有侑皆無故

昭文張金吾寫定續經解

云下尸也不備禮者上尸羊俎有祭肺豕俎有齊
肺是備禮侑羊俎豕俎皆切肺故曰不備禮

疑義註羊俎過二體有肫尊之加俎易西之土俎也

豕俎與尸同疏尊之加也者易俎數奇今禮數四故云皆若禮緯云禮六十已上遵豆有加

是以少牢祝羊豕體各三又下文主人羊肉潛俎體
亦三必知以肫為加者侑尸豕俎無肫主人羊肉潛

俎亦無肫故以肫為加以立侑以

輔尸尊之故以肫為加體也

廷華按尊之加說不可解若以羊俎過二體為加則

據上篇佐食俎解脊脅亦過二體彼不言加此獨言

加乎若易數奇說本禮記就所見言之即據周禮易

十二則已非奇矣至禮緯說則尤為牽合也至主人
俎體數本少不足為加尸俎雖無豕肫而有羊肫則

有司徹

亦與此羊肫等耳此可獨言加耳又此羊鬲西之南
俎註謂此俎者悞說見

作俎羊肺一祭肺一載于一俎羊肉湑臂一脊一脅一膾
一胃一膾肺一載于一俎豕脊臂一脊一脅一膾三膾肺
一載於一俎

訂義註作俎主人俎無體遠下尸也以肺代之肺尊
也加羊肉湑而有體崇尸患亦尊主人
是其相下之義今主人正俎全無牲體故云遠下尸
也云以肺代之肺尊者尸備一肺今主人一俎有兩
肺故以已肺代體崇尸患者以俎物雖有尸不同者肉湑
故以肺代體崇尸患者以俎物雖有尸不同者肉湑
與尸同至尸作主人而設之故曰崇尸患尊主人者
備無羊比湑無尸豕比湑而主人盡有是其尊主所

昭文張金吾寫定續經解

有者尊見下文臂左臂也備用者主人用臂下之也
受酢致爵

作俎司士所設豕鬲西俎也其湑俎豕俎與尸俎同
教氏曰正俎無體太賤故加俎用尊體廷華按此主
人俎曰作者以其在階上名之與

疑義註不言左臂者大夫尊空其文也牲右體貴左
體賤備用左體降于備羊體一而豕膚三有所屈有
所伸亦所謂順而撫反也疏正俎所以不崇尸患
者遠下尸故無正俎遠下則無正俎肉湑者近下尸
故備無羊肉湑牲右體貴左體賤備俎皆言左肩左
肫今主人用左臂直云左不云臂者大夫尊故空其

禮記卷之百一十九有司徹

文似若得用右體然必知是左臂者以有臂左尸俎故也順而撫也者按禮器註云謂若君沐梁大夫沐稷士沐梁大夫不沐梁屈于君士則升與君同是亦屈伸之義故引為證也案詳其清俎與尸俎同豕俎又與尸豕俎同也者以其共送盃之俎故知同也廷華按經不言俎文省耳註謂大夫尊空其文則鑿矣疏謂若用右體則不又誣乎又註所謂侑羊體一者謂侑羊俎肩胛脊脅凡四此肉清俎止臂脊脅三者也不知彼為正俎此為加俎不可以較升降也至所謂增豕膚三者似謂侑無三膚此獨有之也然上

昭文張金吾寫定續經解

侑豕俎明言膚三與此同則所謂順而撫者特臆語耳賈又傳會禮器言之不亦誣乎至賈因註崇神惠而又推之不崇神惠因註遠下尸說而又推之近下尸又不足辨矣

主婦俎羊左膾脊一脅一腸一胃一膚一臠羊肺一載于一俎

訂義註無豕體而有膚以主人無羊體不敢備也無

祭肺有臠肺亦下侑也祭肺尊言臠羊肺者文承膚

下嫌也膚在羊肺上則羊豕之體名同相亞也疏主

無羊俎故主婦俎亦無豕體以主人遠下尸主婦亦遠下尸也下侑言亦者亦主人下侑也侑用有主人

禮記卷之九 有司徹

三

三

用臂祭肺尊齊肺卑值俎皆祭肺主婦皆齊肺也嫌者肺文承膚下有豕肺之嫌故須辨之齊羊肺者以別之也羊豕之體名同相亞也者豕司士所設在魚羊豕雖異脊脅之等體名則同

鼎西者

疑義疏豕雖直言膚不言體以豕膚在羊肺之上使絳羊之體故云相亞若然下主人獻賓之時司士設俎羊酪一腸一臙胃一切肺一膚一所以膚又在肺下者彼取下之先後故退膚在下廷華業註疏好言絳此膚上肺下文字耳亦以絳言支離無謂用之先後說亦強解耳

司士北魚亦司士載尸俎五魚橫載之侑主人皆一魚亦

昭文張金吾寫定續經解

橫載之皆加臙祭於其上

註臙讀如

訂義註橫載之者異于牲體彌變於神刻魚時割其

腹以為大臙可用祭也其俎又與尸豕俎同

案此亦豕之類

豕之意疏按上歷說十一俎獨不陳魚俎于豕俎之

下而陳并于此者欲見魚水物別于正牲又欲見魚獨副賓長獻三故并於此序之疏異於牲體者牲體皆橫載於俎於人為縮鬼下生人進腩上篇少牢正祭升體時云下利升體豕其載如羊無腸胃體其載如俎皆進下鄭註進下變於食生也所以變於神明不敢以食道教之至也引鄉飲酒禮進腩見明正祭

之時牲體皆橫載退不可知至此事神禮簡備尸禮
隆以尸為賓客故從生人禮牲體皆自是進腩橫載
于俎異於載魚于正祭之時縮載故少牢云司士升
魚十有五而俎縮載右首進腩于俎為縮于尸為橫
首向右腹腩向尸鄭註云右首進腩亦變于食生也
若生人則亦縮載于人為橫首亦向右進鰭脊向人
腹腩向外今備尸之禮載魚宜亦同生人縮載進鰭
今橫載于人為縮不與正祭同又與生人異欲見備
尸之禮異於正祭又不得全與生人同鄭云彌變于
人者牲體既進腩是已變于神至于魚載又橫于俎

昭文張金吾寫定續經解

是彌變于神也呼覆也可以覆首此亦取魚腹反覆
於上以擬祭

卒升

訂義註卒已也疏卒升者案上有主人酌獻尸主婦
薦籩豆又升羊俎進于尸前曰歷說十一俎之事今
言卒升還計上升羊俎故云卒

疑義註已載尸羊俎

廷華按諸加俎並送往來時至乃升此言卒升謂四
正俎也不註第言尸羊俎失之矣

賓長設羊俎于豆南賓降尸升筵自西方坐左執爵右取

非取雞換於三豆祭于豆間尸取體黃宰夫贊者取白黑以授尸尸授兼祭于豆祭

訂義註賓長上賓疏賓長上賓者下三獻時上賓洗爵註云上賓長也是以鄭上下交

相曉為一教氏曰賓長設之尊尸之正俎也作俎亦

然

疑義疏上文載羊俎退卒升於十一俎之下者欲就

此賓長設羊俎之事

廷華按尸正俎以下十一俎本與下為目卒升則專

指四正俎言賈謂退卒升于十一俎之下若就此賓

長設羊俎若此二字本在司馬七羊文之下後人移

昭文張金吾寫定續經解

之于十一俎下者此不可解

雍人授次賓疏七與俎受于鬯西左手執之俎左廉縮之

卻右手執七枋縮于俎上以東西縮受于羊鬯之西司馬

在羊鬯之西二手執挑七柄以挹酒注于疏七若是者三

挑湯耄反註挑讀如或春或枕之枕作挑耄反秦人語也註今文挑作枕挹皆為扱枕音由

訂義註挑謂之飲此二匕者皆有淺升狀如飯糝挑

長柄可以抒物于器中者注猶瀉也疏詩注挑抒也此二匕者皆

有淺升狀如飯糝此以漢法况之言淺升對尋常勺升深此淺耳

尸興左執爵右取肺坐祭之祭酒興左執爵

訂義註肺羊祭肺疏上載尸羊正俎而云祭肺一故

知此羊俎上祭肺其羊肉渚雖有濟肺一此下經乃
升此時未升故知非濟肺也

次賓縮執匕俎以升若是以授尸尸卻手授當作匕柄坐

祭濟之興覆手以授賓賓亦覆手以授當作縮匕于俎上

以降覆反下伏

訂義註嘗之以其汁尚味疏特牲太羹不調此已調

調釀羹調而有菜故疏謂此渚匕調廷華案若是謂

授如其執曰授匕則不授俎矣又匕渚有汁無肉曰

濟者據說文濟嘗也據顧命太保受同祭濟是酒言

濟也故汁亦言濟

昭文張金吾寫定續經解

疑義註濟渚明渚肉加耳此渚似太羹特牲太羹不

祭不濟以不為神非盛說詳特牲明肉渚加先進其汁而

嘗之尚味故也以渚肉加在鬯有汁在俎無汁故以

匕進汁是以上註云肉渚肉在汁中者以增俎實為

尸加是也

廷華按肉渚有肉又有渚此有渚而無肉曰匕渚曰

肉渚有肉無肉之別判然矣乃經明言渚而不言肉

註則謂其無汁而有肉此不特與肉渚復且與經言

匕渚之義悖矣總由不明濟字之故疏說尤支離

尸席未坐卽酒興坐奠爵拜告旨執爵以興主人北面于

東楹東答拜辟北內反註古

訂義註旨甘也拜告酒美答主人意疏按上篇少牢

尸不啐奠不告旨刑大夫之禮尸彌尊至于饋尸啐酒告旨者

異于神禮尸彌尊至于饋尸啐酒告旨者

疑義疏奠具尸禮彌饋案此註疏語然不可解

司馬羞羊肉涪縮執俎尸坐奠爵興取肺坐席祭齊之興

反加于俎司馬縮奠俎于羊涪俎南乃載于羊俎卒載俎

縮執俎以降教氏曰涪俎涪字衍

訂義訂絕祭絕肺末以祭周禮曰絕祭疏按大祝職

辨九祭七日絕祭註云絕末以祭引之證絕祭與此

昭文張金吾寫定續經解

同也廷華按上經俎七涪俎次賓已執以降矣安得

又有涪俎故取教氏衍字說以正之此言取不言授

者上有七須受此俎無授受也

疑義註涪使次賓肉使司馬大夫多崇敬也疏司馬大夫官羊

又火畜則羊涪與肉涪皆當司馬載之按上文次賓載涪此經司馬羞肉者以大夫官多各使載其一是以云大夫禮多崇敬也

廷華按此與特牲禮有隆殺助祭者亦因有多寡其

誠敬則一而已若以禮多為崇敬豈禮少者遂不得

崇敬目之况大夫本未確耶火官火畜本五行家言

先王分職原不必拘拘于此即據此經羊俎司馬載

先王分職原不必拘拘于此即據此經羊俎司馬載

禮記卷之六十一 有司徹

卷六十一

有司徹

之司馬亦載之已可見火官火畜說之不足據矣且
云官多可以各載其一則又何火官火畜之可言

尸坐執爵以興次賓羞羊燔縮執俎縮一執一俎上鹽在
右尸左執爵受燔換于鹽坐振祭齊之興加于羊俎賓縮
執俎以降

訂義註

燔炙既詩云載燔載烈註云傳火曰燔貫之
加于火曰烈烈則炙也彼以燔相對則異此
云燔炙者燔之傳
火亦是炙類故云

尸降筵北面于西楹西坐卒爵執爵以興坐奠爵拜執爵
以興拜主人北面于東楹東答拜主人受爵尸升筵立于
筵末

昭文張金吾寫之續經解

主人酌獻侑侑西楹西北面拜受爵主人在其右北面答
拜

訂義註不洗者俱獻間無事也主人就右者賤不專
階此盡主人答拜論主人獻侑并荐俎從獻之事此
節內從獻有三事主人獻時主婦荐豆一也司馬
羞羊俎二也次賓羞羊燔三也侑降於尸二等無羊
匕酒又無肉酒不洗者凡爵行爵從尊者來向卑者
則不洗爵從卑者來向尊雖獻間無事亦洗是此文
獻尸訖獻侑不洗是爵從尊者來故特牲賓獻爵于
主人洗爵者鄭云洗乃致爵為異事新之以承其佐

食賤雖就獻間以其爵從早來故洗之故不償尸鄭
註云洗致爵者以承佐食賤新之是爵從早者來故
洗也賤不專陽者對主人不就尸階尊得專階故也
敖氏曰獻之于席前西南面行爵列於西
疑義註不洗者俱獻間無事也疏以其獻尸訖即獻
侑中間無別酢酬事
故不洗
廷華案此不洗即酌疏謂從尊向卑故不洗其說是
也註謂獻間無事故不洗此不可解即如疏云從卑
向尊雖無事亦洗可見其說之不可信

主婦薦韭菹醢坐奠於庭前醢在南方婦贊者執二簋

昭文張金吾寫定續經解

蕢以授主婦主婦不興受之奠體于醢南蕢在體東主婦
入於房

疑義註醢在南方立侑為疑尸使正饌統馬疏凡設
蕢常在右便其換今蕢在醢北者以其立侑以輔尸
故蕢在北統于尸也

廷華按蕢在左醢在右蓋變于尸非統于尸之謂
侑升庭自北方司馬橫執羊俎以升設于豆東侑坐左執
爵右取菹換于醢祭于豆間又取體蕢同祭于豆祭與左
執爵右取肺坐祭之祭酒與左執爵次賓羞羊燔如尸禮
侑降庭自北方北面于西楹西坐卒爵執爵以興坐奠爵

有司徹

拜主人答拜

訂義註答拜拜于侑之右

疏前爵時尸主在侑之右

尸受侑爵降洗侑降立于西階西東面主人降自阼階辭洗尸坐奠爵于籩興對主人卒洗主人升尸升自西階主人拜洗尸北面于西楹西坐奠爵答拜降盥主人降尸辭主人拜卒盥主人升尸升坐取爵酌

訂義註酌者將酢主人疏自此盡就筵論主人受尸酢并薦邊豆及俎之事就此事中亦有五節行事尊主人故與尸同者尸酢主人時主婦亦設邊豆一也賓長設羊俎二也次賓羞羊匕酒三也司馬羞肉酒

昭文張金吾寫定續經解

四也次賓羞羊燔主人乃卒爵五也教氏曰尸適洗南北面主人阼階東南面辭洗復阼階東西面侑不升辟酢禮也

疑義疏特牲少牢主人獻尸尸即酢主人主人乃獻祝及佐食此尸待主人獻侑乃酢主人不同者此尸卑達主人之意欲見先進於酒侑迺自飲彼尸尊不達主人欲自達也意故先酢主人迺使主人獻祝與佐食故不同是以下文賓長獻尸致爵主人賓乃酢之遂賓意亦此類也

廷華按正祭以神道事尸獻尸尸酢不容中參維道

尸之祝必待尸酢乃獻賓尸以人道禮尸侑即次于
尸故不待尸酢而先獻疏說粗鄙何以訓經

司宮設席于東序西面主人東楹東北面拜受爵尸西楹
西北面答拜主婦獻韭菹醢坐奠于筵前菹在北方婦贊
者執二簋饋賓主婦不興受設饋于菹西北饋在饋西主
人升筵自北方主婦入于房

訂義註設筵于菹西北亦辟錮疏設侑邊正當豆此
在西北明辟錮云亦

尸邊當豆西外
列以辟錮故也

疑義疏按特牲刑為
士少牢刑下大夫皆致爵乃設席

此饋尸受爵即設席者以其饋尸尸並卑主人並尊

昭文張金吾寫定續經解

故明一等受酢即設席按上設尸邊云興取邊于房

饋賓註以饌異親之此婦贊者執邊主人婦不興受

者凡執邊豆之法皆兩雙執之此侑與主人皆二邊

故主婦與婦贊者各執其二於事便故不興受設之

廷華按特牲及下不賓尸尸酢皆無俎故不設席致

爵及設之此尸酢主人有俎故即設席與席致爵乃

彼不周並卑並尊說特混語耳且以賓之尸亦不可

謂之並卑也至進邊豆于尸則興受此不興者禮殺

也由便之說未安

長賓設羊俎于豆西主人坐左執爵祭豆邊如侑之祭興

左執爵右取肺坐祭之祭酒興次賓羞七涪如尸禮席末
坐啐酒執爵以興司馬羞羊肉涪縮執俎主人坐奠爵于
左興受肺坐絕祭噉之興反加于涪俎司馬縮奠涪俎于
羊俎西乃載之卒載縮執虛俎以降

訂義註真爵于左神惠變于常也言受肺者明有授

疑義註言虛俎者羊涪俎訖於此虛不復用疏虛不

此俎雍人所執陳奠于羊俎西在南者自次賓羞七

音俎司馬羞羊肉音于尸次賓又羞七涪于主人同

用此俎三降皆不言虛欲見後將更用至于此言虛

俎明其不復用此俎又見下次賓羞羊燔于主人則

昭文張金吾寫定續經解

用此之豕俎而得羞羊燔者以其禮殺故也

廷華按註南俎羞羊七涪羊肉涪之說見此上尸與

主人羊七涪及羊肉涪俱已設訖故謂南俎不復用

耳不知南北二俎並送往來空者並載南俎不必定

羞羊北俎不必定羞豕又豕皆北上也亦宜然上經

羊肉涪載于南俎其羊七涪又重于羊肉涪則應載

北俎其文省耳說詳此七涪亦應用北俎肉涪亦應

用南俎七俎言如尸禮則七俎已降所謂虛爵者謂

肉涪俎耳此下即為亞獻之節所降七俎所應載七

豕七涪肉涪俎應載豕膏註謂羊涪俎訖于此虛不

用則下經兩豕俎並進又用何俎也疏又認此虛俎

為羊七涪俎則悞而又悞矣至于燔俎本不在階下

與曷西俎不同賈謂下羊燔七酒俎又存尸席亦載

于北俎則亦味矣北俎人角所出也

主人坐取爵以興次賓羞燔主人受如尸禮主人降筵自

北方北面于阼階上坐卒爵執爵以興坐奠爵拜執爵以興尸

西楹西答拜主人坐奠爵于東序南

訂義疏燔即羊燔知者以其主人于尸右侑皆用羊

體鄉主婦獻尸以後悉用豕體賓長獻尸後悉用魚

從是以知主人之燔羊燔也廷華案下主婦致爵羞

疏說紆矣姑存之

疑義註不降奠爵于籩急崇酒疏此下唯有崇酒之

昭文張金吾寫定續經解

崇酒按鄉飲酒介答拜主人卒爵坐奠于西楹南介

右再拜崇酒註云奠爵楹西南以當獻眾賓此不同

者彼實有獻眾賓之事故云

當獻眾賓亦得見崇酒也

廷華按拜必奠爵此奠爵以將拜也拜後或降奠于

籩或如鄉飲留以獻眾賓俱未可知但此不過為拜

而奠無他說也註急崇酒之說于理未合疏并合鄉

飲奠爵為急崇酒則牽合矣

侑升尸侑皆北面于西楹西

訂義註見主人不反位如將與已為禮

主人北面于東楹東再拜崇酒

儀禮集說卷之九 有司徹

尸侑皆答再拜主人及尸皆升就筵教氏曰升就二字宜衍其一

司宮取爵于籩以授婦贊者于房東以授主婦

訂義註房東房戶外之東疏此主婦亞獻尸之事上

文主人獻節凡有三爵有主人獻尸獻侑并受酢此

主婦獻內凡有四爵即分為四節解之四者主婦獻

尸一也獻侑二也致爵于主人三也受尸酢四也下

文賓長三獻爵止故與主婦亞獻同此主婦亞獻尸

一節之內從獻有五五者主婦亞獻主婦設兩劍一

也主婦又設稷與脩二也次賓羞豕燔尸乃卒爵五也

羞豕膏四也次賓羞豕燔尸乃卒爵五也

昭文張金吾寫定續經解

主婦洗爵于房中出實爵尊南西面拜獻尸尸拜于筵上

受

訂義疏賓主獻酢無在筵上受法令尸於筵上受者

以婦人所獻尸不與行賓主之禮故不得各就其階

若然少牢主人疑脫祝拜于席上坐受者註云室內

迫狹故拜筵上與此禮異廷華按尊在手不能拜又

男女不親授受當奠于筵前乃拜獻也尸亦就筵前

取之故不降筵自取之亦曰受者爵自主婦米取之

亦以示受也

疑義註尊南西面拜由便也疏下文西面于主人之北拜送爵今酌在尊南

有司徹

三

三

西面拜獻尸者便也言便者使其
西面授尸故不退主人之位

廷華按獻爵者必近進既授乃退就拜位拜之此尊
南近席故北面酌轉而西面獻之以須夾拜故即于
獻位先拜然後退至拜位又拜註謂由便固是混語
疏謂便其西面授尸則益混矣且禮亦非由便之可
言也

主婦西面于主人之席北拜送爵入于房取一羊釧坐奠
于菲道西主婦饋者執豕釧以從主婦不與受設于羊釧
之西興入于房取糗與服脩出以執坐設之糗在位費西
脩在白西興立于主人席北面西糗去九反服丁亂反本
又作段音同註今文服

昭文張金吾寫定續經解

為斷
丁亂反

訂義註飲酒而有釧者祭之餘釧無黍稷殺也疏無
黍稷

殺也者決正祭
時有黍稷故也糗糗餌音也服脩丁老
反肉之脯教

氏曰主人席北主婦堂上之位也

尸坐左執爵祭糗脩同祭于豆祭以羊釧之相挹羊釧遂
以挹豕釧祭于豆祭祭酒次實豕七湑如羊七湑之禮尸坐
卒酒左執爵嘗上釧執爵以興坐奠爵拜主婦答拜執爵
以興司士羞豕脣尸坐奠爵興受如羊肉湑之禮坐取爵
興次賓羞豕燔尸左執爵受燔如羊燔之禮坐卒爵拜主
婦答拜受爵酌獻侑侑拜受爵主婦主人之位西面答拜

有司敬

三

三

註今文
無西敵

訂義註王婦疏同有三等謂侑與也降于尸二等無

銅羹與豕匕酒三等者主婦酌獻侑主婦羞糗修一

也司士羞胾二也次賓羞燔侑乃卒爵三也

主婦羞糗修坐奠糗于體南修在賁南右坐左執爵取糗

精兼祭于豆祭司士縮執豕胾以升侑興取肺坐祭之司

士縮奠豕胾于羊俎之東載于羊俎卒乃縮執俎以降侑

興

訂義註豕胾無消于侑禮殺上下文既按尸與侑及

主人主婦俱是正俎皆橫執俎以升又橫設于席前

昭文張金吾寫定續經解

若盂送之俎皆縮執之又縮于席前

疑義疏所羞豕胾是盂送之俎縮執是其常而言縮

執者以其文承上主人獻侑尸無羊肉消故主婦獻

侑司士羞豕胾不得相如是以經特著縮執俎見異

于正俎諸文特云橫執縮執者皆此類

廷華按上尸與主人羊肉消俎羊匕俎皆曰縮執與

此經同文疏謂盂送之俎縮是其常意若以此經不

當復言縮執者蓋欲申其無羊消不得相如及特著

縮執俎說故節外生枝耳不知侑席雖無羊肉消然

亦同是加俎而謂之不得相如非武斷而何

有司徹

次賓羞豕燔侑受如豕禮坐卒爵拜主婦答拜
受爵酌以致于主人^{主人}庭上拜受爵主婦北面于阼階上答
拜

訂義註主婦易位拜于阼階上辟併敬前主婦獻尸

侑上者送于主人^{主人}與尸侑故易位也此婦致

爵于主人之事此科亦有五節行事主婦致爵于主

人時主婦設二釶一也又設糗脩二也豕七湑三也

豕膏四也豕燔主人卒爵五也若然按特牲三獻爵

止乃致爵此未三獻已致爵者以上篇已有獻于尸

故此不待三獻又有饋尸禮殺故早致

昭文張金吾寫定續經解

主婦設二釶與糗脩如尸禮主人共祭糗脩祭釶祭酒受
豕七湑拜啐酒皆如尸禮嘗釶不拜

訂義註主人如尸禮尊也其異者不若首疏主人拜

啐酒嘗釶不拜若然則啐酒有拜嘗釶無拜按前主

婦獻尸尸坐啐酒左執爵嘗上釶執爵以興坐奠爵

拜拜在嘗釶之下則嘗釶有拜坐啐酒不拜與此違

者彼拜雖在嘗釶下其拜仍為啐酒拜在嘗釶下者

以因坐啐酒不興即嘗釶嘗釶訖執爵興坐奠爵拜

拜仍為啐酒是以特牲少牢尸嘗皆不拜或此經啐

酒之上無拜文有者衍字也廷華按尸南面亞獻設

儀禮卷之四十九 有司徹

銅于菹韭之西豆之右也主人西面則此銅當設于
菹韭之北西面以北為右也

其受豕胥受尸豕燔亦如尸禮坐卒爵拜主婦北面答拜
受爵

尸降筵受主婦爵以降

訂義註將酢主婦疏此尸酢主婦之事此科內從酢
有三主婦受酢之時婦贊者設豆籩一也司馬設羊
俎二也次賓羞羊燔主婦卒爵三也主婦受從與侑
同三主人受從與尸同五尊卑差也廷華接受者尸
受于司官司官又受于婦贊者

昭文張金吾寫定續經解

主人降侑降主婦入于房主人立于西洗東北西面侑東
面于西階西南

訂義註俟尸洗教氏曰入于房婦無從降之私也

尸易爵于篚盥洗爵

訂義註易爵者男女不相襲爵

主人揖侑

訂義註將升

主人升尸升自西階侑從主人北面立于東楹東侑西楹
西北面立

訂義註俟尸酌

儀禮卷之九有司徹

二十七

禮記

尸酌主婦出于房西面拜受爵尸北面于侑東答拜主婦
入于房司宮設席于房中南面主婦主于席西訂今文曰

西席

訂義註設席者主婦尊疏賓長以下皆無設席之文

惟主人與主婦同設席故曰

尊主婦教氏曰受爵乃設席降于主人
婦贊者薦蕤醢坐奠于筵前蕤在西方婦人贊者執體
贊以授婦贊者婦贊者不與受設體于道西贊在體南

訂義註婦人之贊者宗婦之少者疏按特牲記云宗

婦也彼直云宗婦是特牲宗婦一人而已不言贊或少
未可穴此禮隆贊非一人而稱贊廷華按婦者蓋贊

昭文張金吾寫定續經解

主婦者也當為宗婦婦人贊者蓋佐宗婦以贊主婦
者也少者說近存之

主婦升筵司馬設羊俎于豆南主婦坐左執爵右取蕤換
于醢祭于豆間又取體贊兼祭于豆祭主婦奠爵興取肺

坐絕祭齋之興加于俎坐挽手祭酒啐酒稅由銳反註紛

稅作

訂義註挽手者于悅悅佩巾內則曰婦人亦左紛佩

悅廷華按此言挽手則上絕祭者皆挽手也

次賓羞羊燔主婦興受燔如主人之禮主婦執爵以出于
房西面于三人席北立執爵執爵拜尸西楹西北面答拜

主婦入立于房尸主人及侑皆就筵

訂義註出房立卒爵宜鄉反許亮尊不坐者變于主人

也執爵拜變于男子也疏上主人受酢坐卒爵故云

拜卒爵皆奠爵乃拜故云變于主人也教氏曰出房卒爵成禮于所酢

之前也

上賓洗爵以升酌獻尸尸拜受爵賓西楹西北面拜送爵

尸奠爵于荐左賓降

訂義註上賓賓長也謂之上賓以將獻異之或謂之

長賓奠爵爵止疏上賓賓長也者上文云賓長設羊

云謂之上賓以將獻異之者言長賓賓中長尊稱若言上賓賓中上稱尊重故以將獻變言上賓云或

昭文張金吾寫定續經解

謂之長賓者或少年文按彼云長賓洗爵獻于尸此

然不備尸亦云長賓特牲云賓三獻如初又不言長

賓者禮開之云奠爵爵止者特牲云賓三獻如初燔

從如初爵止不備尸者亦然其爵止之事按下經

爵止者多非為賓疑均神惠之事故此特為解之

疏此賓長三獻尸奠而未舉之事尸不舉者以三獻

訖正禮終欲使神惠均於庭徧得獻乃舉之故下文

主人獻及眾賓以下訖乃作止爵若然特牲及不賓

尸本作下大尸在室內始行三獻未行致爵尸奠爵

欲得神惠均于室此備尸之禮室內已行三獻至此

備尸夫婦又已行致爵訖備尸又在堂故爵止者欲

得神惠均于庭與正祭者異教氏曰拜受爵亦于筵

有司獻

拜坐祭遂飲卒爵拜尸答拜降洗尸降辭主人奠爵于篚
對卒洗主人升尸升主人實爵尸拜受爵主人及位答拜
尸北面坐奠爵于薦左

訂義註降洗者主人疏奠于薦左者不舉

疑義疏按下經二人舉解于尸侑侑奠解于右註云
奠于右者不舉也神惠右不舉變于飲酒與此不同
者特牲及下不備尸皆無酬尸之事此特有之由備
尸如與賓客無故有酬異于神惠右不舉侑奠于右
是也侑一名加者少牢無侑尸此乃有故無加稱是
以主人酬賓賓奠于左亦是神惠故即舉之特牲及

昭文張金吾寫定續經解

不備尸皆有酬賓同是神惠故皆奠于左

廷華按神惠右不舉說特牲酬賓案辨之已詳大概
據彼經奠于左者皆不舉奠于右者皆舉與飲酒同
而因以正神惠之說非此經亦餒神之餘不可謂非
神惠也如此經奠于左者下酬賓奠于左亦不舉則
與特牲等至二人舉解侑本不舉以此經及天下準
酬賓準之則亦當奠于左曰右者左之訛耳此疏乃
以奠于荐右為異于神惠則神惠右不舉說不可通
審矣酬賓說別詳下經且同此賓尸之爵而以侑所
奠者為異于神惠以酬賓者為亦是神惠其說尚足

信耶至侑一名加以下四語則并不可解矣或曰一乃不之訛然不知何所指也

尸侑主人皆升筵乃羞宰夫羞房中之羞于尸侑主人皆主人皆右之司士羞庶羞于尸侑主人主婦皆左之

訂義註二羞所以盡歡心房中之羞其邊則糗餌粉

餐在私反在豆則配以支反食音寺下目糝反素感食庶羞羊臠

豕臠皆有載醢房中之羞內羞也內羞在右陰也庶

羞在左陽也疏二羞是內羞房中之羞以賓尸用以

解粉餐者周禮籩人羞籩之實其豆則配食糝食者

周禮鹽人羞豆之實按王制云庶羞不踰牲註云祭

昭文張金吾寫定續經解

臠皆有載者按公食大夫牲皆臠及炙載今此鄭直云臠載不言炙者公食大夫是食禮故庶羞並陳此

此賓尸飲酒之禮故主人獻尸皆羊燔從主婦獻皆

豕燔從主婦酬賓之後乃言司士羞庶羞則知止有

羊臠豕臠羊載豕載以其燔炙前已從獻訖則知止

有臠載而已內羞者按禮不賓尸云乃羞宰夫羞房

司士羞庶羞于尸祝主人主婦內羞在右庶羞在左是也

疑義疏內羞穀物故云陰庶羞是牲物故云陽大宗

伯亦云天產作陽德地產作陰德鄭云天產六牲之

之屬地產九穀之屬廷華按註以內外分陰陽是也穀物牲物說未合天

主人降南面拜眾賓于門東三拜眾賓門東北面皆答壹

地產說詳大宗伯職

儀禮卷之五 有司徹

拜壹為一文

訂義註拜于門東明少南就之也言三拜者眾賓賤

旅之也眾賓一拜賤也位在門東其繼門言之旅之

也者按周禮司士職張卿特揖大夫以其等旅揖註云特揖一一揖之旅眾也大夫爵同者眾揖之此云

旅之者旅眾也眾不得備禮也一拜疏此主人獻長賓并

受酢之事廷華按下獻長賓註以為上賓則此眾賓

兼上賓言上賓亦旅拜禮不主於賓也下長賓反位

西階西南此曰少南則當上賓而西南面拜也

疑義註卿大夫尊賓賤純臣也疏位在門東者此對

西北面東上獻次眾賓私臣門東北面西上獻次兄弟此賓皆在門東故云純臣者指北面時也得獻訖

昭文張金吾寫定續經解

在西階下即不純臣故下經云獻私人于阼階上註云私人家臣已所自謂除也大夫言私人臣明不純

臣也若然士言私臣不言人者大夫尊近君若言私臣則臣與君不異故名私臣士卑無辟君臣之名不

嫌故名私臣

廷華按賓不盡是臣純臣不純臣亦鄭實習語其義

最謬特牲禮詳之

主人洗爵長賓辭主人奠爵于篚興對卒洗升酌獻賓于

西階上長賓升拜受爵主人在其右北面答拜宰夫自東

房薦脯醢醢在西司士設俎于豆北面羊酪一腸一胃一切

肺一膚一註古文酪作脂

訂義註羊酪羊左酪薦與設俎者既則俟于西序端

疏按鄉飲酒司士升相旅受酬受者降席司正退端
立于序端然則先事既設後事未至其退立之位當
從司士執俎以從無升文明此不降退立于序端可
知教氏曰已長的長賓乃升遠下尸也獻之當西南
面廷華按此俎自饗來下同
疑義註上賓一體賤也

廷華按長賓一體禮殺也何必曰賤况據下註謂尊
賓故成祭于上忽賤忽尊直以絰為兒戲耳

賓坐左爵執右取脯換于醢祭之執爵興取肺坐祭之祭
酒遂飲卒爵執以興坐奠爵拜執爵以興主人答拜受爵
賓坐取祭以降西面坐委于西階西南放氏曰執以

昭文張金吾寫定續經解

訂義註成祭于上尊賓也取祭以及下位也祭補肺

疏經言取脯取肺
祭之明祭是脯肺

疑義註反下位而在西階西已獻尊之疏反位者或
反初位或上

下位異亦為反此則初位在門東今得獻反在西階
南與主人相對已獻尊之故也若燕禮士得獻位于
東方亦是
尊之者也

廷華按賓長不在門東此于西階西南而註曰反位
則本位在此可知疏註自以為門東又自為已獻之
尊之之說非屈經從已而何

宰夫執薦以從設于祭東司士執俎以從設于薦東象賓
長升拜受爵主人答拜坐祭立飲卒爵不拜既爵

訂義註既盡也長賓升者以次第升受獻言眾賓長
拜則其餘不拜疏知不直次上上賓後一人為眾賓
也受獻廷華按眾賓長次于上賓之一人也

宰夫贊主人酌若是以徧註今文若為如辨皆作徧

訂義註主人每奠一人真空爵于於宰夫酌授於尊
南教氏曰若是謂如眾賓長升拜受爵以下之儀徧

徧受爵其薦脯醢與胾設于其位繼上賓而南皆東面其
胾體儀也註今文儀皆為曠或為議

訂義註徧獻乃薦略之亦宰夫荐司士胾儀者尊體
盡儀度大各餘骨可用而用之尊者用尊體卑者用

昭文張金吾寫定續經解

卑體而已亦有切肺膚疏亦宰夫薦司士胾者此約

之云儀者尊體盡儀度餘骨可用而用之者以其言

儀取尊卑得其儀但尊體既盡就卑體之中度尊卑

而用之尊者用尊體卑者用卑體而已也云亦有切

肺膚者按特牲用雜肺如此眾賓用切肺膚者以其

侑用切肺不祭殊于尸明眾賓亦不敢殊于侑疏即

若然不饋尸者亦不敢變于饋尸之禮也

為謂若燕禮三獻卿已上得獻即荐大夫得獻乃薦

亦其類

乃升長賓主人酌酢于長賓西階上北面賓在左
訂義註廷華案長賓上賓也酌自酢者教氏曰辟尸
禮辯獻乃酢此賓尸變于特牲禮也
疑義註主人酌自酢序賓意賓卑不敢酢疏特牲主

人獻長賓訖即酢此辯獻乃酢者主人益尊先自達
其意特牲主人獻內賓徧辯乃自酢註云爵辯乃自
酢以初不殊其長也則此大夫尊初則殊其長故也
達意說見特牲蓋
尊說上經詳之

廷華按此與特牲獻內賓皆徧獻乃自酢則其初皆
不殊其長也疏謂此大夫尊初殊其長若然則何待
徧獻乃酢且殊其長亦不足見其尊也

主人坐奠爵拜執爵以興賓答拜坐祭遂飲卒爵執爵以
興坐奠爵拜賓答拜賓降

訂義註降反位

昭文張金吾寫定續經解

宰夫洗解以升主人受酌降酬長賓于西階南北面賓在
左主人坐奠爵拜賓答拜坐祭遂飲卒爵拜賓答拜

訂義註宰夫受主人解則受其虛爵奠于篚疏上主
人受賓

之酢爵今宰夫既受解訖因受取自疑酢之虛爵降
奠于篚也知然者上文主人受爵訖賓降主人無降
文即云宰夫受解主人受之明主人
手中虛爵宰夫受之奠于篚可知疏此主人酬長

賓于堂下之事也

疑義疏知不待酬賓虛解受之奠于篚其賓奠荐左
者後舉之以為無奠爵也

廷華按宰夫授爵時主人有自酌虛爵在手故須宰
夫受而奠之若酬爵則將奠於荐左且非虛解何必

宰夫受疏說支離無謂

主人洗賓辭主人坐奠爵于篚對卒洗升酌降復位賓拜受爵主人拜送爵賓西面坐奠爵于薦左

訂義註廷華按薦左之爵不舉此將舉為無筭爵不當奠于薦左此當如特牲酬賓初奠于左既則奠于右也文省耳

主人洗升酌獻兄弟于阼階上兄弟之長升拜受爵主人

在其右答拜坐祭立飲不拜既爵皆若是以徧疑義註兄弟長幼立飲賤不別大夫之賓尊于兄弟宰夫不贊酌者兄弟以親昵來不以官待之

昭文張金吾寫定續經解

疏按特牲云獻

長兄弟于階上如賓儀者士卑長兄弟為貴殊貴賤故云如賓儀長賓坐飲也此大夫禮長賓坐飲其眾賓立飲至于大夫貴兄弟賤兄弟長幼皆立飲不得如賓儀故立飲賤不別也兄弟以親昵來不以官待之故兄弟雖賤于賓不得使人贊酌而親之也疏此主人獻兄弟于阼階之事

廷華按特牲獻長兄弟如賓儀蓋坐飲也獻兄弟如眾儀賓儀蓋立飲也此則皆立飲故鄭以為賤不別耳不知此特二禮隆殺之別不當貴賤言也據疏云士卑長兄弟為貴殊貴賤是固以長幼為貴賤大夫雖貴可舉長幼之倫而廢之而不為之別乎若云大夫貴兄弟皆賤故不別則大夫竟可矣廢兄弟矣有

是理乎且此經明言長下經亦明言先生是別也而鄭賈乃謂之不別且震而薦之曰大夫貴乎又况大夫之說本自未確也耶且既知兄弟親昵矣親則有主道禮節自應殺于賓而疏亦謂之賤乎于是賓又不明理之尤者其累經者不少也

徧受爵其位在洗東西面北上升受爵其薦胥設于其位訂義註先著其位于上乃後云薦胥設于其位明位初在是也疏初位謂經云其位在洗東西面北面上位升堂受爵受爵時薦胥設于其位疑義註亦徧獻乃薦既云徧矣復言升受爵者為眾

昭文張金吾寫定續經解

兄弟言也眾兄弟升不拜受爵位不繼于主人而云

洗東卑不統於尊此薦胥皆使私人疏上經云兄弟

嫌眾兄弟亦升拜受爵是以此更云升受爵直為眾兄弟不拜受爵而言故鄭云眾兄弟升不拜受爵也

若然上賓拜爵又拜既眾賓拜受爵不拜既爵長兄弟得與眾賓同眾兄弟又不拜受爵是其差也眾

賓亦有先位在門東北面繼上賓後獻訖亦薦胥于位皆是先有位不繼于門東而在西階西南者彼謂

已獻尊之位得繼主人于尊者按特牲主人不辭大夫弟助祭之位得繼主人于作階下南陳人不辭大夫

不敢自尊也此以大尊故兄弟之位不在洗東不繼主人卑不統于尊故也云此薦胥皆使私人者上獻

賓長及眾賓使宰夫設薦司士設俎又使宰夫贊酌至于此獻兄弟為昵不以官待之主人親酌明亦不

以官使私人薦胥可知

廷華按上言若是以辯蓋謂眾兄弟中由長及幼皆

升拜受主人在右答拜坐祭立飲不拜既爵故曰若
是以辯耳此註謂止有長兄弟升拜受爵此眾兄弟
升受爵而不拜不知眾兄弟獻受之禮已盡于若是
二字中但上不言薦膏及所設之位故又言此以補
上文所不及所謂其位在洗東西面北上蓋以示設
膏之地所謂升受爵者蓋以為設膏之節謂上文升
拜受爵時荐膏即設于其位耳是此節為薦膏而設
非為拜不拜而設其以徧受爵領起者正恐後人如
鄭賈輩略去上節本義故以此句明受爵之義已盡
于上節此特補出薦膏所在文義其明胡因訓詁而

昭文張金吾寫定經解

反晦乎又階西南蓋上賓位耳此疏乃以眾賓言悞
也已獻尊之又案主位在東兄弟統于主人亦皆
在東正相統也烏得謂之不統于主人且以特牲兄
弟繼主人証之不知特牲主人位在室戶內如賈說
謂彼兄弟在阼階下則相去遠矣此主人位在東序
兄弟在東堂下視特牲位為近乃以彼為相繼此為
不相繼者蓋不過委曲以申大夫尊之義故不覺背
謬如此私人說亦不見所據

先生之膏折脅一膚一

訂義註先生長兄弟折豕左肩之折疏知先生是長

兄弟者以其文承長兄弟之下故知先生非老人教
習者折是豕左肩之折者以上初享牲體明侑俎豕
左有折註云折分為長弟俎是也案經言侑俎肩
折言宛未安也
姑存以備參

其象儀也

主人洗獻內賓于房中南面拜受爵主人南面于其右答
拜

訂義註內賓姑姊妹及宗獻于主婦之席東南面于
其右主人之位恒在左人疏此主人獻姑姊等之事
知內賓是姑姊妹宗婦者約特牲記而不知也南面

昭文張金吾寫定續經解

于其右主人之位恒在左人者謂人在主人左若鄉飲
鄉射之等于西階上北面主人在東賓在西此南面
則主在西賓在東故云恒在左

疑義註主人不西面不與為賓主禮疏按特牲獻內
兄弟于房中主

人西面答拜此大夫禮主人南面
拜故決之不與為賓主之禮也

廷華按特牲獻內賓主人西面拜內賓不言面此經
俱南面例則彼內面亦當與主人俱西面也鄭彼註
以為南面本是臆說此註又云大夫尊不與為賓主
禮是武斷也且據鄉飲酒賓介主人獻酢拜皆同面
胡獨以此為非賓主禮

坐祭立飲不拜既爵若是以徧亦有薦胥

訂義註亦設薦胥于其位特牲饋食禮記曰內賓立

于房中西墉下東面南上宗婦北堂東西北上疏引

記者欲見內賓設薦之位處 疏亦者亦上先生之等

主人降洗升獻私人于阼階下拜于下升受主人答其長

拜降乃坐祭立飲不拜既爵若是以徧宰夫贊主人酌主

人于其羣私人不答拜其位兄弟之南亦北上有薦胥

訂義疏此主人獻私人之事教氏曰獻私人而降洗

重獻禮也亦東南面于東楹而拜于右自眾賓至此

其俎皆儀而有膚如特牲人此不言公有司以在眾

昭文張金吾寫定續經解

賓中不必別見也正如祝及雍

疑義註私人已家臣所自謂謁除也大夫明私臣明不純

臣也士言私臣明有君之道北上不敢專其位亦有

薦胥初亦北面在眾賓之後爾言繼者以爵繼獻為

為文凡獻位定疏云私人命者此乃大夫自謁除者此公

君除其課後以補任為之不純臣明有君之道者士卑

不嫌近君故得名屬吏為私臣也北上不與兄弟同

位故云不敢專其位凡獻位定者上眾兄弟云其位

其在洗東西面北上并受爵其薦胥設于其位註云

先著其位于上但言繼先弟者是據獻位為言則未
也云凡獻位定則是
凡獻以前未定位也

廷華按家臣固主人所辟除但註所謂辟除及疏所謂除其課後者則周禮府胥徒也是不敢信私人不純及君道也說特牲詳之又經云繼兄弟而南北上者蓋兄弟有主道故繼主人私人亦有主道而不純乎主故附兄弟于東要不可謂非專位也註謂不敢專過矣至注所謂凡獻定位者即上獻賓註所謂已獻尊之之說也上經已詳其說本不經此註又造為北面在衆賓之後據疏以特牲私臣為衆賓私臣位在門東北面故亦以北面言之不知私人若果在門東北面則在衆賓之位可矣何必言後况經明言繼兄弟

昭文張金吾寫定續經解

之南註乃以特牲門東位言之非率合而何

主人就筵註古文曰升就筵。案古文曰升豈獻私人畢自以爵降與然宰夫贊酌主人未必親降也鄭

氏不從

尸作三獻之爵

訂義註上賓所獻爵不言三獻作之者疏對特牲言三獻作止爵

賓尸而刪尸尸可以自舉疏自舉三獻之爵賓長又

獻侑并致爵之事三獻是上賓不言上賓而言三獻

以其主人主婦并此賓長備三獻因號上賓為三獻

是以事名官者也疏不言三獻不備尸自作爵者順

上為文作其爵者以神惠均于庭訖欲使尸飲此酒

義禮卷之三 有司徹

三

三

但此一節之內有四爵行事四者尸作三獻之爵一獻侑二也致爵于主人三也受尸酢四也

司士羞酒魚縮執俎以升尸取膾祭祭之祭酒卒爵

訂義註不羞魚也酒略小味也疏羊豕牲之大者有七酒之等魚無以魚為

小味故略之羊有正俎羞也酒肉酒豕無正俎魚無也酒

隆汚之殺

司士縮奠俎于羊俎南橫載于羊俎卒乃縮執俎以降尸

奠爵拜三獻北面答拜受爵酌獻侑侑拜受三獻北面答

拜司馬羞酒魚一如尸禮卒爵拜三獻答拜爵教氏曰司馬作司士

訂義註司馬羞酒魚變于尸疏上文尸使司士羞酒魚此侑使司馬羞魚故

昭文張金吾寫定續經解

變于尸也廷華按司馬不可疑故教氏謂司馬當作司士然註要亦不可廢姑存之教氏

曰橫載者于俎為橫與牲體同也不縮載者正俎之

實已多又加以益送之俎故不得如其在魚俎也

酌致主人主人拜受爵三獻東極東北面答拜

疑義註賓拜于東極東以主人拜受於席就之於禮

當在西階上今在東極東以主人席在于阼階即是以賓拜于東極東就之

廷華案主人拜受于席于確理未確東極東者以與

主人為禮不敢獨拜西階上辟尸也是可正註之舛

矣

司士羞一酒魚如尸禮卒爵拜三答拜受爵尸降筵受三

酌以酢之

訂義註既致主人尸乃酢之遂賓意疏賓意欲得與主人抗獻酢之

禮今致爵于主說即酌以酢賓是遂達賓意

廷華按獻必有酢至是乃酢者以其爵甫卒也註說

曲而鑿

三獻西楹西北面拜受爵尸在其右其以授之尸升庭南

面荅拜坐祭遂飲卒爵拜尸荅拜執爵以降寔于篚

訂義註教氏曰尸在其右並授也非同面拜變于主

人

二人洗解升實爵西楹西北面東上坐奠爵拜執爵以興

昭文張金吾寫定續經解

尸侑荅拜坐祭遂飲卒爵執爵以興坐奠爵拜尸侑荅拜皆降

訂義註三獻而禮小成使二人舉殷爵序殷勤于尸

侑疏小成者以此獻為正後仍有舉奠加爵之等終備乃是禮之大成也序殷勤于尸侑者飲酒之禮

酬與無奠時乃盡歡心故以旅酬及無奠乃為序殷勤于尸侑也疏此旅酬上下無

不偏之事按鄉飲酒鄉射特牲等皆一人舉解為無

奠爵始今饋尸乃以二人為旅酬始者此饋尸別一

禮與彼不同以其初時主人酬尸主人尸奠之右侑

未得酬故使二人舉解侑乃奠而不舉即疑舉亦奠

一爵一爵遂酬於下是以須二人舉解兄弟之後生

者舉觶于其長為無筭爵者以其賓長所舉奠酬亦
 為無筭爵以此二觶者皆在堂下故為無筭爵尸不
 與無筭爵故堂下觶為無筭爵其為旅酬皆從上發
 尸發為首故特牲刪使二人特牲無二人此二人舉
 觶為旅酬與賓長所舉薦君疑之觶此賓不舉旅酬
 皆從尸舉故所奠者謂上酬為無筭一爵亦是異於
 特牲

洗升酌反位尸侑皆拜受爵舉觶者皆拜送侑奠觶于右
 訂義註教氏曰反位西楹西俟拜也廷華案此不舉
 當奠于左曰右俟也說詳上

昭文張金吾寫定續經解

疑義註奠于右者不舉也神惠右不舉變于飲酒詳上
 尸遂執觶以興北面于阼階上酬主人主人在右

訂義註尸拜于阼階上酬禮殺疏決上文尸酢主人
受爵尸西楹西北面答拜是各于其階今尸酬主人同于阼階故云禮殺也教氏曰言執

觶興則曰鄉已坐也廷華案此二人所舉之一觶也
 上不言奠則受即執之以酬主人

坐奠爵拜主人答拜不祭立飲卒爵不拜既爵酌就于阼
 階上酬主人

訂義註言就者主人立待之疏立待之者以其不言
人立待教氏曰酬主人東面適阼階上酬主人明主
之可知

主人拜受爵尸拜送

疑義註酬不奠者急酬侑也

疏此決上主人酬賓奠之也

廷華按上二人舉觶尸爵不奠即以酬主人此亦不奠即以酬侑禮之殺也註謂酬侑是矣曰急則于理未當也

尸就筵主人以酬侑于西楹西侑在左坐奠爵拜執爵與侑答拜不祭立飲卒爵不拜既爵酌復位侑拜受主人拜送

訂義註言酌復位明授于西階上

主人復筵乃拜長賓侑酬之如主人之禮

昭文張金吾寫定續經解

訂義註遂旅也言升長賓則有贊呼之

疏若不贊呼之則當如上

文象賓長升兄弟之長升降受爵故知有贊呼之也

至于象賓遂及兄弟亦如之皆飲于上

訂義註上西階上廷華按象賓在西階上兄弟當在

阼階上

遂及私人拜受者升受下飲

訂義註私人之長拜于下升受兄弟之爵下飲之教

氏曰下飲就其位飲以酬其次也

疑義註私人位在兄弟之南今言下飲之則私人之

長一人在西階下飲之其飲私人皆飲于位故下云

卒爵升酌以之其位相酬辯是也

廷華按酬辯當對所酬者飲之所謂導飲也今所酬者在

本位而酬之乃飲于階下何所謂道飲乎是當以教

說為正

卒爵升酌以之其位相酬徧

訂義註其位兄弟南位亦拜受拜送升酌由西階

卒飲者實爵于筵

訂義註未受酬者雖無所旅猶飲疏凡旅酬之法皆

執觶酒以酬前人前人領受其意乃始自飲案以上

亦不敢遽抹姑存之此私人未受酬者彼雖無可旅猶自飲之

昭文張金吾寫定續經解

訖乃實爵于筵以其酒是前人所酬不可不飲故也

廷華按飲酬酒一以答前人之意一以道後人之意

飲也今無可道而前人之意不可以不答故亦飲也

不奠禮殺也

乃羞庶羞于賓兄弟內賓及私人

訂義註無房中之羞賤當作此羞房中羞同時羞則

酌房中亦旅疏旅酬之下乃羞庶羞內賓羞在私人

知其始主婦舉觶於內賓遂及宗婦疏此羞庶羞於

賓及兄弟之等事

兄弟之後生者舉觶于其長

註古文解為爵廷景中詔校書定作觶。案諸本皆作延

景而漢實無此號後得前明錢塘鍾人傑本乃作延
熹則正在康成時也特記之以正諸本之悞

訂義註年少也疏此後生舉解于長兄弟主人酬兄
弟之事教氏曰此有似代主人酬長兄弟之意故如
主人而長在左

洗升酌降北面立于阼階南長在左坐奠爵拜執爵以興

長答拜

訂義註長在左辟主人疏凡獻酬之法主人在左

兄弟北面云長在左則在西故辟主人也

坐祭遂飲卒爵執爵以興坐奠爵拜執以興長答拜洗升
酌降長拜受于其位舉爵者東面答拜爵止

昭文張金吾寫定續經解

訂義註拜受答拜不北面者備尸禮殺長賓言奠兄

弟言止互相發相待也疏云備尸禮殺者按特牲兄

酬又兄弟弟子舉解于長為無奠爵拜送皆北面此

云東面決上備尸禮殺也長賓言奠兄弟言奠止互

相發明者上文主人酬賓奠爵于薦左是長賓言奠

此言爵正是兄弟言止長賓言奠明止而未行此言

止明亦奠薦左境見故云互相發明也相待也者酬賓

雖在前及其行之相待俱時舉行故下文云賓反兄

弟交錯其酬皆遂及私人爵無奠爵是也若二人舉

解于尸備備奠于右不舉尸即酬主人主人酬備備

長賓獻于尸如初無涓爵不止

訂義註賓長者賓之長次上賓者非即上賓也如初

如其獻侑酌致主人受尸酢也無涪爵不止別不如
初者疏此一經眾賓長加為爵數多與上賓異何者
上賓獻侑致爵于主人時皆有涪魚從今無涪魚從
故經云無涪也云爵不止者上賓獻尸時亦于真爵
待獻堂下畢乃舉觶令尸不止爵即飲故云爵不止
疏賓長非即上賓者以其上賓將獻異之言上賓此
不異其大明上非文上賓為賓長者故以為次上賓者
經云無涪爵不止又在如初之下不蒙如初之文則
知與上異故文在如初下也教氏曰此當用觶曰爵
悞也

昭文張金吾寫定續經解

疑義註不使兄弟不稱加爵大夫尊也不用觶大夫

尊者也疏此法特牲長兄弟為加爵又眾賓長為加

容其獻故云大夫尊也云不用觶大夫尊者此亦決

特牲云長兄弟洗觶為加爵此用爵爵尊于觶故云

大夫尊者也廷華按註第言大夫本悞此兩以為大夫尊則陋矣

蓋經不言兄弟亦不足大夫之尊也又大夫士止三

獻此外皆加爵即言獻亦不過加爵耳若以大夫尊

合此二獻為五正獻則諧矣且如疏若三獻外更容

其獻說是作經者以欺訓且名獻而寔加又何以見

大夫之尊乎至特牲加爵用觶此乃言爵教氏以為

悞是也註以不用觥為大夫尊是疏所謂爵尊于觥也
也不知爵固尊于觥爵亦未嘗不尊于觥若用尊器
以見大夫之尊則何不并二人所舉之觥易為爵以
示大夫之尊乃尊于此而不尊于彼又何也異文不
異文說亦牽合

賓一人舉爵于初如初亦遂之于下

訂義註一人次賓長者如初如二人洗觶之為也遂
之于下者遂及賓兄弟下至私人故言亦遂之于下
也註上言無渚爵不止互相發明疏此賓舉觶于尸
更為旅酬如上旅酬之事但前二人舉觶於尸侑尸

昭文張全吾寫定續經解

舉旅酬從上至下皆徧飲今亦從下至上故云亦遂
之於下

疑義註上言無渚爵不止互相發明疏上經云爵止與上賓真爵云

相發明今此又與上文無渚爵不止相發明是以二文皆在如在初之下

廷華按此言遂之於下故註合堂下者所謂如上旅
酬是也若上經不言下註亦止以獻侑致爵受酢言
之乃謂其互相發明則彼亦遂之于下兩注不自為
矛盾耶

賓及兄弟交錯其酬皆遂私人爵無美

訂義註美數也長賓取觶酬兄弟之黨疏長賓取觶者是主人

賓解云長兄弟取解者是兄弟之長兄弟取解酬賓後主者舉解于其長之解之也
之黨唯已所欲無有次第之數也疏此堂下行無美爵禮終尸侑出主人送之事

尸出侑送主人送于廟門之外拜尸不顧

訂義註拜送之疏賓尸之禮尸侑賓也故孔子亦云賓不顧矣

拜侑與長賓亦如之衆賓從

訂義註從者不拜送也

司士歸尸侑之俎

訂義註尸侑尊送其家廷率按跋俎至此俱不言所

昭文張金吾寫定續經解

則已入鼓中不復設矣

主人退

訂義註反於寢也

有司徹

訂義註徹堂上下之薦俎也外賓尸對室內故雖堂

上婦人不徹疏婦人不徹者按特牲宗婦徹祝籩豆入于房徹主婦薦俎此篇首云有司徹

鄭云徹室中之饋及祝佐官之俎為將饋尸故使有司徹之下不饋尸有司官徹饋饌于室中西北隅至

至篇末禮終云婦人乃徹則此篇首云有司徹別無婦人也

不饋尸本下文夫今改婦人徹之篇末云徹婦人飲註云有司饌之婦人徹之外因相兼禮殺此

尸外饋尸亦禮殺嫌婦人亦徹之故云雖堂上婦人徹不上文堂上有尸侑之薦俎堂下有賓及兄弟之薦

俎皆徹之也

疑義疏堂上賓疏尸猶如堂內之陽厭故鄭註篇首

云賓尸則不設饌西址隅有此薦俎之陳有祭象而

亦足以厭飲神是也說見篇首

若不賓尸

訂義註不賓尸其牲物則同不得備其禮耳舊說云

謂大夫有疾病攝昆弟祭疏此不賓尸之事從尸飲

匕已前皆與賓尸不同已後則以此祝侑續之也

疑義註曾子問曰攝主不厭祭不旅不餼不饌祭許

作墮亦不配布奠于賓賓奠而不舉而此備有似失

昭文張金吾寫定續經解

之矣疏引曾子問者破舊說按彼上云若宗子有罪

介子某執其常事攝主不厭祭不旅不餼不饌祭

前祝酌奠之且饗是陰厭也尸謾之後徹薦俎登設

于西址隅是陽厭也此不厭者不陽厭也不旅不旅

也又云布奠于賓賓奠而不舉云而此備有似失之

則祝侑亦如之

訂義註謂尸七飯扶晚時疏按上篇尸食七飯告飽

不拜侑日皇尸未寔侑是也

尸食

訂義註八飯疏上已七飯故知此當八飯也

乃盛俎膾臂肫胾脊橫脊短脅代脅皆牢成盛音

訂義註盛者盛于斯俎也此七體羊豕其脊脅皆取

一骨也與所舉正脊幹骼凡十矣肩未舉既舉而俎

猶有六體焉疏七體羊豕者以其五昂下有魚腊

辨骼凡十者按上載時皆二骼以並今但盛一骨不

云正有長脅者先舉一骨故不序也廷華按上篇上

尸俎用右胖則此十體及下經及牢肩皆右胖之體

其在俎未盛者惟右胖脊在左右之中以係正體故

亦與右胖並升此所謂六體蓋止以脊及右臂言也

若魚左胖言則九體又正祭魚羊豕此亦兼之可知

疏按特牲尸食訖乃盛今人反即盛者禮相變有司

徹不盛俎者備尸之禮更無所用全以歸尸故也云

盛者盛于斯俎也者以特牲云盛斯俎釋三个故知

昭文張金吾寫定續經解

盛於斯以歸尸故也

疑義疏此先言膾見從下起凡骨體之數在右合為

二十一體按少牢註云肩臂肫肱骨也膊骼股骨也

鄉飲酒註前脰骨肩臂肫也後脰骨膊骼也又後有

解蔽折特牲記云主婦俎蔽折註云蔽後足也昏禮

不數者凡體前貴于後蔽賤於膾故數膾不數蔽是

以不升于昂又以解在肫上以竅賤正俎不用又脊

六體謂三脊三脅皆取一骨盛于斯各有一骨體在
俎不取以備陽獸故云而俎猶有六體焉也

廷華按膾當在臂下此在臂上悞也從下起說無理
可據且下經先脊後脅原未嘗從下及上也二十一
體當有兩解無兩敵上篇升羊案說已詳此疏又舉
二者混言之若十九體又若二十三體更悞

魚也

訂義註盛半也魚十有五而俎其一已舉必盛半者
魚無足翼於牲象脊脅而已疏按少牢載魚十有五而俎其一已舉者謂御食時已舉其一

昭文張金吾寫定續經解

疑義註必盛半者魚無足翼於牲體象脊脅按中候云魚者

水精隨流出入得申候意鄭註引春秋緯號機樞曰魚無足翼如魚乃紂之是也紂雖有臣無益于股肱若魚雖有翼而不能飛若此註云魚無翼者亦從彼文魚雖有翼而不飛象脊者六體十二骨盛六是半魚無足象牲脊脅亦盛半相似數則不同以其牲之脊則六魚之半則七也

廷華按正祭魚十五此言七故註以為半若以魚象脊脅其說鑿况無足翼之說又本緯書不過為訓詁耳烏得以之亂經疏訓象脊脅處其說亦混

脂編無解

註古文解作解

訂義註所盛者右體也疏以牲盛右體故也言無解者云一純者而俎嫌有之疏上篇載脂云一純而俎不云故此名之曰解不升脂編無解

疑義註亦盛半也右體脊屬焉尸舉其餘兩半亦似
魚十四盛七為半必知盛半者以其此腊在魚下明
盛半與魚同知脊屬焉者按上篇少牢云腊一純而
俎脊不折直為一段代脅長脅短脅各一骨左右三
脅脅骨合為六體并脊為七通肩臂等十為十七體
與牲體同如腊肩尸食既舉而俎唯有十六在言盛
半明脊屬凡牲載體者脊皆屬焉下經云乃撫于魚
腊俎俎釋三个其餘皆取之
明其不盡盛可知矣
疏特牲記云腊如牲骨

鄭註云不但言體以有一骨二骨者以此言之腊與
 牲體設骨多少盡同而去腊脊脅一骨者以其右左
 盡并欲使祝及主婦以下俱取于此腊體故下云祝
 主人之魚腊取于是註云祝主人主婦俎之魚腊取
 于此者大夫之禮文侍神餘也三者各取一魚其腊

昭文張金吾寫定續經解

腊主人臂主婦臠祝則酪也今若復分一骨二骨則
 數多于特牲體祝以多下俎無腊體不升腊右胖故
 云腊如牲骨與右胖同皆祝俎所不用上篇少牢雖
 祝有腊有兩髀屬數上大夫禮又異于此士虞禮祝
 已本作與下亦無腊體故鄭註士虞禮腊亦七體牲
 之類鄭註云凡腊用純者據上下大夫以上祭祀及
 士之嘉禮士祭禮則腊不用純辟大夫按上篇少牢
 腊而髀在祝俎不升于鬯不在神俎已自明矣今此
 更明之者以少牢陳鬯上下大夫皆同今此下大夫
 不備尸其祝腊酪不云無髀何以明之

廷華按鄭註盛半之說本不可解據疏則特因上魚
七為傳會耳然魚七固可為十四之半而腊如牲體
則其右體亦不過盛十而餘六已耳何半之可言賈
乃以其餘兩半解之兩半者即左右之說也但左右
雖有兩半之意然據牲體右胖盛十餘六左胖止於
十一則亦不符得半之數也賈因借鄭脊屬說而因
以一段不折解脊之義蓋不折則合三脊為一脊左
右胖肩臂臑肱髀三脅數本相合右肩不盛以脊補
之則左右各八恰得十體之半說亦巧矣然經言三
脊安得變而為一乎且就其說計之亦有不可言半

昭文張金吾寫定續經解

者蓋牲體脊脅皆二骨右胖一脊二骨及三脅六骨
合肩臂等五體去肩總十有二體左胖三脊六骨合
肩臂等五體止十一體則左右多少不符亦不足言
半也賈乃以一骨言之蓋一骨則猶是左右各八耳
其引特牲註一骨二骨正為此一骨之証耳不知特
牲雖有一骨二骨之殊此經則僅言二骨不當變二
而為一至所謂祝及主婦已下皆取于此蓋已見骨
體不可不多之意所謂數多于特牲者蓋以見不當
用二骨之意骨體骨體不多不可又不當用二骨則
自應合左右胖而用之不過為前說作郭耳然據下

經止言祝主人魚腊取于是賈自添出主婦已下則臆說不足信也若此經少牢本多于牲牲豈二骨獨嫌其多况二禮各殊彼此多少原不相碍何庸藉口耶又案疏之言腊也曰主人臂主婦臠固本下經言之祝腊無考據下言其獻祝與二佐食其薦胾如饋此經賓尸不獻祝則所謂如者指上篇言之上篇祝俎魚三腊兩胾是祝俎用胾也疏乃自以用骼則武斷矣至此經本兼大夫士註疏悞主大夫說此謂士祭不用純辟大夫其一耳要非確論也卒盛乃舉牢肩尸受振祭噉之佐食受加于所

昭文張金吾寫定續經解

訂義註舉七廷華案此不可解者見舊本有云前舉牢肺舉正脊骨舉牢幹舉魚舉腊肩舉但脫爛不知是何人語疑即疏說也姑存之

佐食取一俎于堂下以入奠于羊俎東教氏曰羊當作魚

疑義註不言魚腊東主于尊疏按少牢云設俎羊在東腊在魚豚東特膚當在牲端今撫魚腊宜在魚俎東而繼羊俎言之以羊尊為主也

廷華按經羊字本悞疏註曲為之解未見其當此當以教說為是

乃撫于魚腊俎俎釋三个其餘皆取之實于一俎以出註

文撫為標

訂義註个猶枚也魚撫四枚其所設者三枚而已疏

以魚盛半其俎猶有七个故撫去四个釋三箇為改
饌西北隅也敖氏曰撫猶取也其餘三箇之外者

疑義註脂撫五枚所釋短脅正脅代脅而已疏脂盛

猶有六體在撫去五枚釋三个以脂右體而已盛脊

又屬焉唯在左在下文云主人脂臂主婦脂臠祝則

祝主人之魚脂取于是

訂義註祝主人主婦疑俎之魚脂取于此者刑大夫

待神餘也三者各取一魚其脂主人臂主婦臠祝則

骼當作也此皆于昂側更載焉不言主婦未聞疏主

人用臂主婦用臠見于下經此昂側更載者撫時共

昭文張金吾寫定續經解

在一俎以出及設時主人主婦及祝各異俎又不同

時故知更載俎云昂側則復升昂也下有主婦俎脂

臠則主婦用脂可知此經直云祝主人不云主婦未

聞其義或轉寫者脫耳廷華按上篇魚十有五先舉

魚一及盛又用魚七已去其八在俎者惟七魚人釋

三个則寔于一俎者惟四魚耳據下致爵主人主婦

俎各一魚又主人獻祝佐食薦膾如饋據疏饋指上

篇據上篇祝俎魚三合致爵二魚共須五魚今四魚

不足充其數

疑義疏特牲士禮不待神餘故主人主婦祝皆無脂

上大夫之祝當有腊俎至于饋尸腊為庶羞又不載于俎與此異此下大夫待神餘故祝主人主婦皆有腊體也

廷華按凡祭飲酢及餒孰非神餘疏以特牲主人主婦無腊遂謂之不待神餘候祝矣上篇祝四物共俎有腊而無專俎此疏謂彼當有腊俎若謂當有腊則彼現有腊不必言當若謂腊當有俎則彼上有一俎亦不應言當也腊為庶羞說詳上經

尸不飯告飽主人拜侑不言尸又三飯

疑義註凡十一飯士九飯大夫十一飯其餘有十三

昭文張金吾寫定續經解

飯有十五飯疏上篇士禮九飯少牢十一飯士大夫既不分命數為尊卑則五等諸侯同十

三飯天子十五飯可知。餘詳特牲

佐食受牢舉如饋

訂義註舉肺脊疏此主獻疏尸祝及佐食之事獻有五節主人獻尸一也酢主人二也獻祝三也獻上佐食四也獻下佐食五也

主人洗酌醕尸肩羞肝皆如饋禮卒爵拜祝受尸爵尸答拜祝酌受尸尸以醕主人亦如饋其綏祭其馘亦如饋註

當作按按讀為藏其隋之隋古文為換疏守祧職日既祭則藏其隋

訂義註肝牢肝也

其獻祝與二佐食其位其薦膏皆如饋主婦其洗獻于尸亦如饋

訂義註自尸侑不飯告飽至此與饋同者在上篇疏此主人主婦並獻尸及祝并獻二佐食之事此一節之內獻數與主人同唯不受嘏為異教氏曰祝當有肝從如饋因與佐食連文略之耳

主婦反取籩于房中執棗糗生設之棗在糗南糗在棗南婦贊者執栗脯主婦不興受設之栗在糗東脯在棗東主婦反興位

訂義註棗饋食之籩糗羞籩之實雜用之下賓尸也

昭文張金吾寫定續經解

脯栗加籩之實也反位反主人之北拜送爵位

疏按籩人職云饋食之籩棗栗桃乾榛棗羞籩之實糗餌粉養又加籩之實棗栗桃乾榛棗是鄭據籩人而言也

下賓尸者按上賓尸者體黃白黑糗餌之等朝事之籩之羞籩之實各用之而不雜也按上賓尸主婦並

獻尸設籩直有脯脩二籩此主婦並獻有四籩者賓主之禮主婦獻尸主婦設四籩體黃白黑故至主婦

獻時直設糗餌與脯脩二籩通前四籩為六籩此主人初獻如上篇無籩從故至主婦並獻設四籩猶少

于賓尸兩籩 疏此設籩實繼在少牢室內西南隅

饋也

尸左執爵取棗糗祝取栗脯以授尸尸兼祭于豆祭祭酒

啐酒次賓羞牢燔用俎鹽在右尸兼取燔榘于鹽振祭齊之祧受加于所卒爵主婦拜祝受尸爵主婦答拜

禮記卷之二十一 有司徹 三

訂義註自主婦反適至祝受加于所此異于饋疏上
 婦但有獻而已無適饋從之事此篇首饋尸主婦
 獻尸乃有適饋之事其物又異唯親同耳故云此異
 于饋也上註云自尸侑不飯告飽至此與饋同者在
 上篇此異註云此異于饋者上註云至此與饋者皆
 與饋禮同在上篇故註云至此也此自卒爵下至答
 拜與饋同者在篇自祝受加于所以上至主婦及適
 與饋尸異鄭所以不在卒爵上註而
 在尸答拜下註者取終一事故也

祝易爵洗酌受尸尸以醋主婦至婦主人之北拜受爵尸
 答拜主婦反位又拜上佐食綏祭如饋卒爵拜尸答拜今註

文醋曰酌按
受當作授

疑義註主婦夾爵拜為不賓尸降崇敬疏按特牲主
婦獻尸不夾
爵拜上篇上大夫賓尸主婦獻尸夾爵拜此下大夫
既不賓尸主婦宜與士妻同今夾爵拜者為不賓尸

昭文張金吾寫定續經解

降崇敬故夾爵拜與上大夫
同言降謂賓降賓尸之禮也

廷華按特牲亦夾拜文省耳按詳此及賓尸夾拜俱

全註疏乃造為降崇敬及疑與士妻同說以明其士

及上下大夫之別徒見支離

主婦獻祝其酌如饋拜坐受爵主婦主人之北答拜

訂義註自尸卒爵至此亦與饋同者亦在上篇疏經
無尸

卒爵之文鄭註云尸者以經有
卒爵之文多故言尸以別之也

宰夫薦棗糗坐設棗于道西糗在東南祝左執爵取棗糗
 祭于豆祭酒啐酒次賓羞燔如尸禮卒爵

訂義註自宰夫薦至賓燔亦異于賓疏少年主婦獻
祝無燔故曰異

疑義註內子不薦籩祝賤使官可也疏特牲主婦設籩者士之妻卑

也按禮記註內子卿妻引春秋趙姬請送叔隗以為內子證卿妻為內子今此下大夫妻得稱內子者欲

見此下大夫妻於祝不薦籩燕見上大夫妻亦不薦籩故言內子也或可散文下大夫妻亦得為內子也

廷華按此與特牲親設與否不過禮有隆殺之別若

以士大夫言則彼固士禮此亦不盡是大夫也鄭欲

強為士大夫之別而于所謂下大夫之妻者亦混而

為內子賈維曲為解註亦何益哉

主人受爵酌獻二佐食亦如饋主婦受爵以入于房賓長

洗爵獻于尸尸拜受賓尸西北面答拜爵止

訂義訂尸止爵者以三獻禮成歆神惠之均於室中

昭文張金吾寫定續經解

是以奠而待之疏此賓長獻尸祝佐食并致爵之事

此一節之內凡有十爵獻尸一也主婦致爵于主人

二也主人酢主婦三也尸作止爵飲訖酢賓長四也

賓獻祝五也又獻上佐食六也又獻下佐食七也賓

主致爵于主人八也又致爵于主婦九也賓受主人

酢十也云賓尸西北答拜者按上少牢正祭賓獻與

此篇首賓長獻皆云拜送此云答刪下言拜送者禮

重答拜者禮輕

主婦洗于房中的致于主人主人拜受主婦尸西北面拜

送爵司宮設席

禮記卷之五十一 有司徹

三

三

訂義疏此夫婦致爵之禮祭統云夫祭有十倫之義
七曰見夫婦之別焉又曰尸酢夫人執柄夫人授尸
執足夫婦相授受相襲處酢必易爵彼據夫婦致爵
言之

疑義註拜受乃設席變于士

疏變于士也者按特牲未致爵已設席故云異

于士其上大夫正祭未致爵至賓尸尸酢主人設席以有尸賓故設席在前也按周禮司几筵云祀先王

酢席亦如之鄭註云酢讀如酢祭祀及主受酢之席彼受酢時已設席與大夫禮異也鄭註周禮司几筵

又云后諸臣致爵乃設席于此禮同者士卑不嫌多與君同故也

疏詩醉序云醉酒

飽德謂見十倫之義志意充滿是天子諸侯皆有夫
婦致爵之事少牢上大夫受致不酢下大夫受致又

昭文張金吾寫定續經解

酢不致士受致自致是上大夫尊辟君受致不酢下
大夫與士卑不嫌得與人君同夫婦致爵也

廷華按儀禮之例獻受設席大概一時並行經文雖

先後彼此不同要皆並行之事無義可說也如此經

拜受乃設席特牲未致爵先設席註以此為變于士

曰士者蓋以此為大夫耳設雖未當然不可謂不變

也若經所引上經饋尸禮尸酢主人亦先設席如特

牲則大夫變于士之說已不通矣疏乃為之解曰以

有尸賓故設席在前又引尸几筵作席而為之說曰

彼受酢時已設席士卑不嫌與君同愚細按之有尸

賓本不足明所以設席在前之故司几筵亦並無受
酢先設席之文特訓詁家臆為乏說而遂斷為士不
嫌同其誰信之至少牢受致不酢此受致又酢不致
特牲受致自致其禮各殊蓋禮有隆殺也疏傳會于
祭統及詩序說謂人君夫婦致爵上大夫尊辟君下
大夫與士卑不嫌與君同不知彼所授受則止于主
婦致爵未必不是授受又據儀禮酢與致爵不同即
以此經論主婦致爵後又受爵自酢是主人雖不致
爵亦有酢禮則彼所謂授受及酢原不足為交相致
爵之證若既醉詩則尤與致爵無涉也疏乃引為確

昭文張金吾寫定續經解

據不亦感乎至自以下大夫不致又自謂下大夫與
士不嫌與君同自為異同如此適見其說之不足信
主婦薦蕘菹醢坐設于席前蕘在北方婦饋者執棗糗以
從主婦不興受設棗于蕘北糗在東西佐食設俎臂脊膾
肺皆牢膚三魚一腊臂

訂義註臂左臂也知是左臂者右臂尸所用故知左
臂也

疑義註特牲五體以其牢與腊臂而七牢腊俱脊亦

所謂腊如牲體疏經云臂脊膾皆羊謂羊豕也既羊

以牲體唯有三也腊如牲體特牲記文按彼云腊如
牲骨骨是體也故以體言之以其上腊撫五枚左肩

臂膺肫肫主人不用肩而用臂者以其羊豕皆用臂
故腊亦用臂是以鄭云腊如牲體但此腊臂直一臂
無並故須云腊如牲體也

廷華按註疏說本無大辨但必合羊豕及腊為七體
與特牲五體較多寡又以牲腊並用臂為腊如牲骨
之証疏又反復申明之未免牽合耳一臂說見上

主人左執爵右取道換于醢祭于豆間遂祭奠爵興取
牢肺坐絕祭噉之興加于俎坐扱手祭酒執爵以興坐卒
爵拜

訂義註無從者變于特牲也改士為特牲亦所謂順而撫
也疏特牲主婦致爵于主人肝燔並從此無肝燔從故云變也

昭文張金吾寫定續經解

主婦答拜受的爵以腊尸內北面拜

訂義註自酢不更爵殺疏此決上主婦受酢時祝易酌主爵洗酌授尸以酢主婦今自酢又不更爵故云殺也

主人答拜卒爵拜主人答拜主婦以爵入于房尸作止爵
祭酒卒爵賓拜祝受爵尸答拜

訂義註自爵止至作止爵亦異于賓疏此篇首賓尸禮賓長獻尸奠

爵又云尸作三獻之爵其止爵在致爵後其作之在
獻私人後欲神惠之均于庭此止爵在主婦至爵前
作之在致爵後欲神惠均于室中與特牲燔從如初
爵止同少牢上篇所以不致爵者為賓尸賓尸止爵
者欲室中神惠均于庭故止爵也

疑義註作止爵乃祭酒亦變于士疏特牲賓三獻如初燔從如初爵止

儀禮定義卷下 有司徹

無祭酒之文至三獻作止爵尸卒爵亦無祭酒之文
知特牲祭酒之文說乃止爵者以經云燔從如初乃
云爵止鄭註云初也獻也五獻時祭酒說乃始燔從
則三獻燔從如初始云爵止明是祭酒既說乃始止
爵今大夫作止爵乃疏特牲再止爵者一止爵者欲
祭酒故云變云於士疏特牲再止爵者一止爵者欲
神惠均于室中也一止爵者順上大夫之禮也

廷華按變于士說本悞疏亦曲說蓋燔從如初者謂
如五獻時燔從耳乃傳會以為祭酒之証非牽合而
何順上大夫說亦無謂

祝爵授尸賓拜受爵尸拜送爵坐祭遂飲卒爵拜尸答拜
訂義註教氏曰賓受酢而卒爵之儀略以其爵止之
儀節故變于前

昭文張金吾寫定續經解

祝獻及二佐食

訂義註教氏曰特牲禮獻祝及佐食皆如初

洗致爵于主人

訂義註洗致爵者以承佐食賤新之

主人席上拜受爵賓北面答拜坐祭遂飲卒爵拜賓答拜
受爵

訂義註教氏曰雖拜于席亦主答拜受爵

酌致爵于主婦主婦北面答拜坐祭遂飲卒爵拜賓答拜

訂義註北堂中房以北

疑義註東面者變于士妻賓尸不變者賓尸禮異矣

內子東面者則宗婦南面西上內賓自若東面南上
疏特牲記宗婦北堂東面北上註云宗婦且統于主婦主婦南面北此東面故云變于士妻云內子東面則宗婦南面西上者此無正文鄭以意解之何者宗婦位繼于主婦今主婦准特牲在宗婦位易處則宗婦位亦易處則主婦位南面西上可知云內賓自若東面南上者亦約于特牲記文也
 廷華按特牲尸酢及主人致爵主婦皆南面上賓尸尸酢主婦亦南面此賓致爵乃東面者避尸于主人若以變于士言則上賓尸胡獨不變乎而乃以禮異為說直道辭耳又特牲主婦北堂南面宗婦北堂東面北上內賓房中尊北東面南上南面以西為右則俱在主婦之右東面以北為左則宗婦又在內賓之

昭文張金吾寫定續經解

左宗婦北則上左內賓南上則上右也以準此經
 主婦東面則宗婦內賓俱應在主婦之南北面北面以東為右西為左則宗婦又當在內賓之西西面上內賓則東上注謂宗婦南面西上內賓自若則宗婦在主婦之左上右與特牲之例別疏謂其與主婦易位則臆說之舛者內賓自若則竟不可解矣內子說
 主婦席北東面拜受爵賓西面答拜
 訂義註席北東面者北為下疏按特牲宗婦北面東面鄭以北為下者若宗婦之眾北為下者今主婦持位立則依曲禮席東鄉西鄉以南方為上因于陰陽則北為下
 儀禮集說卷之五 有司徹

婦贊者為菹菹醢菹在南方婦人贊者執棗糗授婦贊者
婦贊者不興受設棗于菹南糗在棗東

疑義註婦人贊者宗婦之弟婦也弟音婦

廷華按婦贊者主婦之贊者也婦人贊者則又婦贊
者之贊耳註說不見所據

佐食設俎于豆東羊臠豕折羊脊脅祭肺一膚一魚一腊

臠

訂義註豕折豕折骨也不言所折畧之特牲主婦敵
折豕無脊脅下主人疏云豕折骨也者謂不全體就
體骨中折之故云折骨畧之者
謂不言所折骨名下主人
者主人上文有脊脅也

昭文張金吾寫定續經解

疑義註羊豕四體與腊臠而五疏羊豕四體與腊臠
而五者上主人牢與

腊而七此五
是其畧也疏引特牲主婦敵折者鄭畧而不言骨

名其折是敵折也

廷華按豕既畧之不言折矣又何從知其為二體而
合羊體為四體乎其曰與腊臠而乎即上合腊臂之
意也上已詳之至鄭所引敵說亦謂折者有此一等
耳賈遂以敵斷之悞矣

主婦升筵左執爵右取菹換于醢祭之祭籩奠爵與取肺
坐絕齋祭齋之興加于俎坐挽手祭酒執爵與筵北東面
立卒爵拜

疑義註立飲拜爵者變于大夫

廷華按大夫不知所指若以賓尸尸酢言則彼亦立

卒爵也

賓答拜賓受爵

易爵于篚洗酌脂于主人户西北面拜主人答拜卒爵拜

主人答拜賓以爵降奠于篚

訂義註自賓獻疑脫及二佐食至此亦異于賓疏異

賓獻及二佐食以下至此奠于篚異于賓長少卒獻

及祝不及佐食故鄭于彼註云不獻佐食將饋尸禮

也殺是乃羞宰夫羞房中之羞司士羞庶羞于尸祝主人主婦內

昭文張金吾寫定續經解

羞在右庶羞在左

主人降拜眾賓洗獻眾賓其薦膏其位其酬醋皆如饋禮

主人說獻兄弟與內賓與私人皆如饋禮其位其薦膏皆

如饋禮

卒乃羞于賓兄弟內賓及私人徧

訂義註自乃羞至私人之薦膏此亦與饋同者在此

篇不饋尸則祝猶侑耳卒已也乃羞者羞庶羞疏此

主人獻眾賓兄弟下及私人并房中內賓皆與饋尸

改上大夫禮同之事

賓長獻于尸尸醋獻祝致醋賓以爵降實于篚

訂義註致謂致爵于主人主婦不言如初者爵不止
不又不及佐食者謂不言如初者爵不止又不及佐食
初無酒爵不止註云如初者其獻侑酌致主人受尸
酢也無酒爵不止別如初者此文不與彼同者為
經不可如一故鄭疏此賓長獻尸以下之事以其上
賓長已獻尸訖明此是次賓長為加爵也

賓兄弟交酌其酬無奠爵
訂義註此亦與饋同在此篇疏此堂下賓及兄弟行
無奠爵之事

疑義疏此堂下兄弟及賓行無奠爵之事似饋尸本
大夫無旅酬故鄭云此亦與饋同者在此篇若此經

昭文張金吾寫定續經解

兼有旅酬鄭不言與饋同按特牲只在室內亦不與
旅酬之事而堂下賓及兄弟行旅酬又使子弟二人
舉解為無奠爵者此本下大雖無饋尸之禮堂下亦
與神靈共尊不敢與人君之禮同既與神靈共尊故
開旅酬直行無奠爵而已特牲堂下得獻之後與神
別尊故旅酬無奠爵並皆行之士賤不嫌與君同故
得禮備也

廷華案此言不饋尸之禮甚畧蓋以其禮有同于饋
尸者讀禮者參互以得其意耳如此經云賓兄弟交
錯其酬無奠爵而不言旅酬然無奠爵為旅酬之終

儀禮義疏卷下 有司徹

事未有有無美爵而無旅酬者故注亦謂其與饋尸
同同者謂旅酬無美爵與饋尸同也疏乃以無旅酬
斷之且自明其故曰堂下與神靈共尊故闕旅酬直
行無美爵而已說與特牲疏同是謂不敢與神靈共
尊故廢旅酬也若然則當併闕無美爵不當僅缺旅
酬今獨行無美爵豈無美爵獨可與神靈共尊耶要
之饋尸所以共尊者以賓禮尸不饋尸者以神禮尸
賓尊可共而神不可共則不饋尸者亦當有堂下之
尊始以旅酬終以無美爵一與特牲禮同文不具耳
若必以為旅酬者不敢信也君禮說亦不知何指

昭文張金吾寫定續經解

利洗爵獻于尸尸酌獻祝祝受祭酒啐酒奠之

訂義註利獻不及主人殺也此亦異于賓疏上文賓長為加爵

及主人此不及主人是殺也上少牢無利獻賓三獻尸即止此篇首饋尸之禮佐食又不與故無獻佐食
獻故云 疏此佐食事尸禮將畢為加爵獻尸及祝之

事

主人出立于阼階上西面祝出立于西階上東面祝告于
主人利成祝入主人降立于阼階東面西面尸設祝前尸
從遂出于廟門祝反復位于室中祝命佐食徹尸俎佐食
乃出尸俎于廟門外有司受歸之徹作薦俎
訂義註自主人出至此與賓雜者也先養出主人荐

禮記卷之五十一 有司徹

四

三

俎者變于賓曰賓特牲饋食禮曰徹作俎豆籩故于
 東序下疏與賓雜者謂有同故上少牢直云
 主人降立于尸謂主人降立于尸謂彼云祝先此云祝前
 彼云祝命佐食徹所俎降設于堂下此云祝反復位
 于室中祝命佐食徹尸俎佐食乃出尸俎于廟門外
 有司受歸之故云雜云先養徹主人薦俎者變者特
 牲既餒祝命佐食徹作俎此命餒前徹作薦俎故云
 變引特牲者證徹作
 薦俎所置之處也

乃餒如饋註古文暮當作餒

訂義註謂上篇自司宮設對席至此餒與出也

卒餒有司官徹饋饌於室中西北隅南面如饋之設右几

非用席註古文右作非作席

昭文張金吾寫定續經解

訂義註官徹饋者司馬司士取舉俎宰夫取敦及豆
 不令婦人改徹饌敦豆變于始也尚使官也佐食不
 舉羊豕俎親餒尊也非隱也疏此餒訖改饌于西北
 隅刪陽之事經云官徹則司馬主羊司士主豕明還
 遣此二人舉俎可知即上經云司馬剖羊司士擊豕
 是也云宰夫取敦及豆者以其宰夫多主主婦之事
 此敦及豆本主婦設之今云官徹明非婦人知是宰
 夫為之也是以上文云宰夫羞房中之羞又上主婦
 獻祝宰夫薦以此言之則宰夫代主婦設籩豆及敦
 可知所以為厭飫者素曾變于始也尚使官者少牢

初設饌主婦薦西頭豆宗婦一人贊兩豆主婦設一
敦宗婦贊三敦是其始時婦人設之今使宰夫徹豆
敦者尚使官故也

疑義註此于尸設改饌當室之白孝子不知神之所

在庶其饗之于此所以為陽厭疏按曾子問說陽之

東房鄭云得尸明者也郊特牲云索祭祝于初不知

神之所在于彼乎于此乎尚日求諸遠者與祭義云

勿勿乎其欲其饗是鄭所取陽厭及初祭

求神之事○陽厭及求神詳上篇篇首

納一尊于室中

訂義註剛陽無玄酒殺本在上

司宮掃祭

昭文張余吾寫定續經解

訂義註埽豆間之祭舊說云埋之西階東疏引舊說

問凡幣帛皮圭為王命埋之階間此豆間之祭按舊

說埋之西階東以神位在西故近西階是以鄭亦依

主人出立于阼階上西面南祝執其俎以出立于西階上

東面司宮闔牖戶

訂義註閉牖與戶鬼神尚居幽闇本作為鬼神或者

禮註

祝告利成乃執俎以出于廟門外有司受歸之眾賓出主

人拜送于廟門外乃反案註說則送

訂義註拜送賓也者亦拜送其長疏此決賓尸時尸

義禮記卷之三十一 有司徹

廟門之外拜尸不願拜俯與長眾亦如之眾賓從鄭
註云從者不拜送也言從者不拜送則此云拜送者
拜送其長可知不言長賓者下大夫無尊賓也

疑義注不言長賓者下大夫無尊賓疏大夫賤無尊
賓故不別其長

廷華按賓長以齒言不計貴賤且下大夫雖卑于上

大夫焉得必其遂無貴賓若以此賓不言長遂謂其

無尊賓則前所謂長賓獻于賓者又伊誰之賓也耶

况下大夫說本未確耶

婦人乃徹

訂義註徹祝之薦及房中薦俎不使有司者下殯尸
之禮疏決上祭畢將殯尸有司徹賓尸禮終亦有司
徹今婦人徹故云下殯尸之禮是也

昭文張金吾寫定續經解

徹室中之饌

訂義註有司饌之婦人徹之外內相兼禮殺疏此徹
室中之

饌者于上經有司徹饋饌于室中西北隅者今使婦
徹之故云外內相兼外者謂有司官改饌西北隅內

者謂今婦人徹
饌故云相兼也

儀禮疑義卷五十



昭文張全吾寫定續經解

昭文張全吾

卷六

圖